

晉河縣志卷之十

貞節

張氏杜立言妻大學士文端公弟婦也文端弟兄八人立言最先卒值明季兵燹常佩一刀曰有急當以此了之時居梁城幸不及撫孤恭訓勗以勤學早饒於庠以攻苦卒復誨侄入泮周旋妯娌間彬彬有禮無所卑亢壽至八旬餘康熙二十六年建坊

旌表

張氏廉義黨妻夫歿遺二子氏年二十二姑衰老且

晉河縣志

卷之十

貞節

一

貧氏性貞潔奉姑滫瀡不缺而已常咽粗糲值明末流氛逼境梁城屢危人多逃竄氏偕二子守死弗去卒無恙子國泰克敦善行德重鄉評氏之教也壽八十六以終建坊

旌表

鄧氏杜立善妻大學士文端公弟婦也立善賈志早卒氏年十八清操自勵端重嚴正文端公既貴誠婢女輩待鄧氏有加禮如太君稱氏曰我故處士婦耳母乃呼及見侄輩行人禮則受之如平常後撫侄

孫以延夫祀雍正二年

旌表

張氏常懷遠繼妻懷遠爲臨淮典史卒於官氏年二十生子甫兩月扶櫬歸葬有老姑常卧病氏宛轉牀蓐旁視寒煖一夜十餘起久而不倦爲前子娶韓氏得一孫復亡與媳共習針黹以養姑後子與言漸成家孫繼先補博士弟子雍正三年建坊

旌表

王氏鼎呂女也幼嫻女訓適杜文端公次子典簿恭

宵河縣志

卷之十

貞節

二

璿舉案甚莊事姑孝恭璿卒無出氏哀毀幾殆太夫人絕愛憐之視如女氏亦奉太夫人如母久之以長房侄孫爲孫氏親自督課太夫人卧病氏旦夕籲天願以身代性好善聞里黨中貧乏輒周之而自御甚刻苦服縞茹蔬日子未亡人也於雍正八年建坊

旌表

王氏李纘緒妻夫亡年十九子定國方一歲誓不更適守節五十餘年定國亦早亡妻陳氏年二十二謹事孀姑得其歡心兩世冰霜歷四十餘年而歿乾隆

七年與姑王氏並

旌表

張氏處士岳景純庶室也景純嫡妻馬氏中年病故遺二子屹然峻然俱幼景純納氏撫養之時氏年十八越六載生一女止七月而景純歿方景純病劇時呼二子前囑曰張氏無子年又少我死必嫁之無累若終身爲氏聞潛入密室投繯家人驚覺救之隨至夫所泣曰妾雖卑微侍巾櫛有年何不相信也適案頭有磁器具立碎之持刺其面血流滿頰且塗以墨

甯河縣志

卷之十 貞節

三

景純太息數聲而暝氏慟哭幾絕比及葬飭僕婢經紀家務攜子女於墓旁村落僦屋以居朝夕上奠逾年始歸面傷旣愈其墨痕斑斑猶存氏偶採蔬於圃里中一輕薄子立牆缺以目挑之語且近謔氏大怒欲訴官某懼丐黨戚告免不允哀懇數四令於夫墓前叩頭服罪乃止自是鄉里中無遠近皆稱爲鐵節婦蓋指其面上墨痕并其風操之勁也氏不獲逮事舅姑然遇生忌辰五鼓卽起親上茶酒率家人環拜子若孫遇歲科試必出膳田所積以資之且曰爾祖

父賁恨處只此書香二字其勉之嫡長屹然入泮次峻然貢成均孫會元三世凡十四人皆先後補弟子員氏鶴髮盈頭其家政猶稟命焉事之一如正嫡守節五十餘年壽七十有九而卒乾隆十九年

旌表

王氏生員岳從政妻年二十五夫故死守不去事翁姑曲盡其道訓誨弱子出入言貌無不極意提撕親族咸嘖嘖稱之其後子入泮氏年八十有六完節而終乾隆十一年請

甯河縣志

卷之十 貞節

四

旌表

張氏儒士談三重繼妻原配一子過嗣氏于歸後生子二俱幼三重歿氏年二十五竭力營葬無失禮者然簪環衣服典鬻盡矣四壁蕭然守志彌篤勤紡績事縫紉易粟以度日值年荒掘草根雜糠粃爲食終不以貧窶移其志訓飭二子母令游惰每日爾等旣不能讀書上進亦當安分學好若一入下流吾卽不能見爾父於地下矣聞者俱爲惕然壽至八十四而終乾隆十一年

旌表

景氏生員談經側室經卒氏年二十一有欲其改適者氏曰從一而終婦人之義况有遺腹去將何歸後數月舉子卽生員談性教也時嫡長治家最嚴凡紡織汲炊婦女各司所事而氏撫遺孤保抱攜持晝夜弗離初不妨於工作嘗曰勤勞吾分也得保此呱呱者幸矣又何辭焉迨性教成立盡孝養始得卽安然氏淡薄性成終身惟布衣蔬食雖值寬裕亦未嘗有所糜費壽八十而卒乾隆十二年

甯河縣志

卷之十 貞節

五

旌表

馮氏馬勳臣妻年二十四夫亡子有年甫二歲氏矢志守節乾隆十二年請

旌建坊

王氏廉德孀妻本邑處士王子寵之女德孀病故無子氏年二十二矢志守節堅貞不移孝事舅姑以侄潛承嗣甫五歲撫養成人乾隆十年 學憲錢以冰霜閩範匾獎之十二年 題准建坊

旌表知縣葉志寬稱其事舅姑則存歿無虧撫嗣子則

恩勤倍至允爲女中丈夫云

朱氏生員岳屹然妻年二十五夫歿守志孝事舅姑慈愛弱子日勤女工至老不懈有古節婦風壽八十有四而終乾隆十四年請

旌表

劉氏州同杜履怡妻履怡爲大學士文端公侄孫都水司主事恭琦之嗣翩翩佳公子也氏年十七歸履怡素讀書知大義相夫以禮舉二子懋綸懋曾履怡忽患痰疾而絕氏驚悼昏仆在地一日夜始蘇見夫

甯河縣志

卷之十 貞節

六

屍在側又絕去救之逾時方活泣曰適見夫子語我婦道代有終父母老子弱俯仰賴汝汝亟去不知其亡也述畢復痛絕舅姑泣勸氏乃放聲大哭向夫柩前書其昏迷中語於帛而藏之喪葬後屏膏沐稱未亡人姑王氏以傷子故得心疾常患頭暈暈則氏斜依姑旁以隻肱枕姑首至數日或半月總不假手婢女舅恭琦時致仕家居見氏種種至性每呼婦必曰兒云方履怡歿時遺孤幼小氏善撫之甫能言卽教之識字凡小學綱鑑諸書皆親授之稍長擇品行端

方者爲之師以故二子俱卓有成立夫弟早亡無子以次子懋曾爲其後及病革命取向所書於帛之語以殉守節三十七年而卒乾隆十七年

旌表

杜氏邑廩生朱良雋妻生員杜蕢女也少從父受內則女誠諸篇舉動一遵禮法年十九歸良雋敬如賓夫故喪葬畢扃戶卧數呼不應碎門入閉目不語姑撫床大慟曰若從吾兒死吾兩老人亦將從若死若何忍氏乃張目視姑久之因強起放聲哭引刀刺面

甯河縣志

卷之十

貞節

七

誓不他適及愈刀痕宛然氏無子近支無可繼者擇族孫鳳爲嗣鞠育如己出訪嚴師命從之遊家故貧日勤紡績供朝夕無怨言翁姑歿喪葬盡禮歲時祭祀必親履坵墓哭舅姑並哭其夫曠野悲風聞者泣下守節六十五年八十四歲卒乾隆十七年

旌表

杜氏生員鄭桂妻年十九適桂生子逢輝桂家素貧授徒寶坻之皇莊病氏聞無車馬急趨館所步行六十餘里及回家夫卧床褥不起朝夕侍湯藥惟謹五

閱月而桂歿姑老子方九月氏慟哭絕而復蘇者再
勺飲不入懵然不知爲喪葬計夜靜投環急救而活
及明嘔血數碗姑泣勸並請其母家慰解之氏意始
回自是整理家務勤女紅以供甘旨姑倚之如子時
因哀毀過度苦無乳日則抱子求食於隣夜則嚼米
汁哺之漸長防範甚嚴患無師使就學舅氏家逢輝
補弟子員食餼皆氏教誨力也守節至八十三歲卒
乾隆十七年

旌表

甯河縣志

卷之十 貞節

八

朱氏處士劉廷恩妻生子毓英甫七月廷恩故氏年
二十二慟哭欲絕遂抓面剪髮堅志守節姑素有腹
疾晚年愈劇氏朝夕奉侍衣不解帶始終不懈家貧
以紡績易甘旨博高堂歡舅卒事姑尤謹積勞成疾
左手癱廢撫孤教育有法其後家稍裕有孫六人入
泮食餼者二壽八十四歲而卒乾隆十七年

旌表

杜氏生員張培基妻年二十歸培基越五載培基故
遺一子翁姑俱在氏誓以死守母憐其少寡欲奪其

志遂截髮以誓之貧至無以餬口奉舅姑豐腆鬻簪
珥不惜也夫故時子方數月撫育有道稍知識卽教
以孝弟市井里巷語不使一出其口比就外傳督其
晨夕攻苦不稍姑息讀書應試悉以婦工所得者資
之嘗終日不舉火或勸其貸於鄰里氏泣曰吾以少
年寡居食貧久矣敢向他人乞活乎掇草子野蔬食
之嚴寒體無完衣卒無難色子補弟子員氏年八十
二歲而卒乾隆十七年

旌表

安氏廉德民妻夫歿氏年十九誓以身殉公姑撫勸
乃止堅志守節事翁姑供養必親後一貧如洗粟米
布縷賴叔琮周之以胞侄承嗣教養劬勞倍甚己出
年六十二而卒建坊

旌表

張氏杜育泓妻性清淑自幼喜讀列女傳年十六歸
育泓育泓以苦學得疾而歿氏矢志孀居時祖姑及
姑俱在晨昏定省曲盡孝道遇有疾晝夜扶掖不少
離夫故時長子斯振方三歲次斯和甫生三月氏慈

愛中具有義方常謂其二子曰汝雖功名不就循循矩矱乃爲無忝前人二子受教惟謹守節四十七年壽六十有九而卒乾隆四十年

旌表

張氏邵聯瀛室聯瀛歿氏年二十八無子忍死承舅姑言立侄蘭谷爲後時方弱齡飲食教誨無不盡心蘭谷承母教爲邑名諸生居常以甘旨進氏必却曰吾義當從汝父於地下惟汝故留以有待啜菽飲水足矣况我家腐菜素風慎無違先人儉德也尤勤女

工朝起紡績至夜半不輟家人勸之終不聽後蘭谷又亡哭之慟曰未亡人今無望矣然憐其媳之弱而無依也又謀立諸孫爲蘭谷子以慰之未幾媳以哀毀過甚相繼亡氏形影獨弔悼子悲婦意愈悽然更十年所立之孫稍長乃備家室始朝夕侍養焉今其年七十矣乾隆三十七年

旌表

廉氏崔翔鳳妻年十七歸翔鳳翔鳳性嗜學寒暑無間以過勞病卒氏一慟而絕急救始甦矢志苦守敬

事舅姑窮苦無養脫簪珥以易無少惜撫侄爲嗣恩
誼篤如所生孀居後歲時宴會從不一往母家遇昏
喪必待躬親者禮成卽返至翁姑及夫祭日必詣墓
門哭泣盡哀率以爲常鄉里莫不賢之今年五十六
歲乾隆三十七年

旌表

谷氏處士張纘妻年十六歸纘纘性嗜讀試輒不售
益發憤晝夜不少輟因得吐血疾未幾卒氏慟絕欲
以身殉姑力以年老孤幼勸乃止矢志死守事姑始

終盡禮纘歿時其子近光未週歲氏鞠育備至稍長
卽延師教之每下學必語以孝弟之行及揖讓之節
家故貧惟針黹織紵以爲讀書費近光性聰慧少卽
能文歲庚寅補弟子員是科登賢書越癸巳卒遺孤
幼小氏益憐而撫之與媳共守現年五十有八矣乾
隆三十九年

旌表

黃氏廉鈇妻夫故年二十二歲矢志守節事翁以孝
聞課子讀書現年五十九歲乾隆四十年

旌表

王氏里民楊二妻也二以油匠爲業崇禎庚午詔浙兵入衛時軍無紀律有悍丁假察訪名窺氏少艾因其夫出欲污之氏閉戶怒罵勢急遂引刀自刎會兵燹後竟無有白其寃者至今人猶以爲恨

王氏崔賢繼妻也賢前妻生子三氏歸復生一子賢卒氏年二十有八子俱幼氏撫之均平如一後漸長教甚嚴小有失己子則撻之諸子則否但垂涕不食呼而泣曰吾不能爲若母矣諸子叩首謝乃食其後

甯河縣志

卷之十

貞節

三

俱遊於庠兄弟甚友愛氏年垂七十而終前三子國祚國楨國祺其所生則周田也

葉氏邑庠生杜立愛妻乃文端公之弟婦也年十八歸杜氏立愛聰敏嗜讀書弱冠而逝氏年二十五無子矢志守節孝奉孀姑晝夜紡績不少輟阿叱之聲終身未嘗出諸口人尤重之守節四十七年至七十有二而卒

王氏廬州府知府杜立本副室年十五歸杜氏比二十三立本卒氏守志撫孤所生子長恭揆方五齡次

恭睿甫數月氏撫養鞠育備歷艱辛稍長日進於前而訓誨之後恭揆恭睿克自樹立皆王氏義方所致年七十有八而終

于氏廬州府知府杜立本副室年二十五而寡時有遺腹生子恭偉氏性命以之鞠育甚殷稍長令就傳防閑惟謹厥後恭偉入成均氏七十餘而終

鄧氏邑庠生杜立大妻亦支端公之弟婦也立大嗜讀以羸弱早卒氏年二十四貞操自矢竭力奉姑撫子恭琦護持備至及長延名師教之絕不稍爲姑息

甯河縣志

卷之十 貞節

三

後官部曹有聲氏年六十有三而卒

李氏趙宗鼎妻北澗沽儒士李子訓之女自幼締姻宗鼎年十四得瘋癱症向李退親氏密知之慟哭求死寢食俱廢父母懼嚴防之數日氏謂父母從一而終婦人之義誓不背盟他適父母知不可奪聽之年十九于歸未及一載宗鼎亡氏泣血絕食幾不欲生時年二十猶處女也立志守節孝事舅姑撫侄思恭爲嗣方七歲家計蕭條一貧如洗氏紡織佐讀思恭年十八縣試後忽患頭痛以死已聘本邑張之琰女

爲室未娶時女年十九聞夫故欲奔喪守節父母阻之因得病遂絕粒而死姑往視殮面色如生哭之而去論者謂一門節烈洵足風焉

某氏崔世興妻也氏性貞靜不苟言笑世興以讀書得癆症卒時氏年二十二幾瀕死以舅姑老夫無嗣暫忍須臾膏沐綺紈悉屏去除問視舅姑外凡婚姻冠笄喜慶之禮概不與子侄非衣冠不見稍疎遠多有未識其面者歷二十年淚涔涔下未嘗乾也親族敬而憐之

甯河縣志

卷之十 貞節

十四

楊氏崔珏繼妻貢生周田之次媳也年二十有六夫卒無子姑素賢傷珏亡無能讀周田遺書者見氏喪事縱縱中造次弗離於禮曰吾兒爲不死矣命侄繼其後氏撫教有恩法周田後相繼守儒業不絕楊氏教也崔門故多賢婦氏最著壽九十六卒

楊氏廩生崔國楨妻名家女知書國楨卒氏年二十有六遺二孤日暮卵翼之甫能言卽口授以字及就傳一步一趨防閑惟謹常日家學不傳猶無後也孤果勵學入泮氏以壽終

李氏苗允盛妻年二十五允盛故子藩五歲氏苦守孀節雍正三年知縣程梁城所千總冀俱給匾獎之薛氏滕廷覲妻年十九歸廷覲克執婦道共饜糟糠頗有齊眉風未三載而廷覲卽世氏號哭不已死而復甦者再遺一子未週歲家徒壁立獨守孤幃力作女工以給朝夕及撫孤成立又不幸先氏亡苦節以終卒年八十有六

靳氏吳士珠妻也十九歲適珠逾年而珠卒氏勺水不入口者屢日誓相從地下姑泣勸之氏潸然淚涔

涔如雨下少進湯飲伯士玉以次子嗣之踰數年病夭又以三子慧嗣之飲食教誨仍依士玉今已成立矣氏身習勞瘁紡績杵臼外無預焉苦節三十五年如一日親族咸敬重之

侯氏崔瑗妻端莊識大體年二十七夫卒子佳蕃纔二齡氏懿範肅然雖甚憐愛而一言一動必繩以禮曰習慣成自然不可忽也自奉極儉約閭里有急難常周之每訓其子存心利物繼前人忠厚緒壽至八十無疾終

王氏儒士劉士鱗妻年十九適士鱗士鱗得瘡症常藥餌氏左右扶持歷三載無倦志年二十五夫亡遺孤澍甫五歲氏事姑撫子家無擔石以紡績度日姑棄世喪葬盡禮教子成立入泮卒年八十有二

王氏張士威妻年二十四歲士威病故公姑在堂遺孤幼小矢志苦守日用衣食皆以女紅易之歷六十餘載年八十有三全節而歿

楊氏馮鉅妻年二十四鉅病故遺孤兆良未週歲矢志守節歷三十餘年至五十六歲而卒其子兆良先

甯河縣志

卷之十

貞節

六

母逝良妻閻氏年二十二守節撫孤如姑始終不渝鄉里多稱之

劉氏都水司主政杜恭琦副室年十七歸恭琦又十年而恭琦卒氏所生子三長履彤次履恆俱幼次履乾時方襁褓氏盡心撫育備極辛勤後履彤入武庠履恆履乾皆入成均氏年六十有四而卒

靳氏張維經妻年二十四孀居子翱翔俱幼氏事公姑曲盡孝道撫二子教育成人子翔由廩生歷歲貢皆氏訓誨力也守節三十餘年年六十有一而卒

談氏候選州同知杜恭察繼室廬州府知府立本長子婦也恭察歿時氏年二十九歲長子鏐方八歲次子鈺方七歲氏嚴以教之雖保愛周至而諄諄戒諭絕不作婦人愛憐態後鏐有聲庠序鈺入太學皆秉直不阿於世氏之教也卒年八十有五

唐氏孫天科妻年二十九夫故子年十一熒熒子立藜藿不充氏撫孤苦守無悔心乾隆十八年壽八十一其子成秀請給匾額知縣屠祖賚稱其甘奇窮而守節撫弱子以成人許爲巾幗之賢洵不誣矣

張氏儒士杜松年妻氏本望族頗明大義年二十七松年亡子甫週歲家業蕭然翁姑老矣朝夕奉養苦費經營竭力承歡自食糠粃無怨也子稍長延師教誨資無所出以針黹女工所得給之備嘗艱苦勗子成名鄉里咸推重焉年五十有三而卒

張氏王彥禹妻年二十夫亡子僅週歲家甚貧上奉高堂下撫弱子惟紡績針黹是賴子稍長教以讀書後遠遊覓食家益窮窘而氏採野菜爲食卒無怨言隣里莫不歎息年七十有六卒

于氏杜啟新妻年二十七啟新病故家貧子幼氏日夕作苦訓誨孤子使無失先人忠厚風守節四十六年七十有三而卒

徐氏浙江錢塘人四川中江縣知縣湘之女吏部尙書潮胞侄女也知書識禮年二十三適杜恭琦第五子太學生履謙年二十六履謙逝止遺二女氏號泣曰夫亡無後有女何爲欲絕者數矣以舅姑在乃忍死以奉之每晨必適舅姑所請安具膳必躬自檢閱始終不怠舅姑歿喪葬盡禮後以履怡次子懋曾爲

嗣壽七十一而卒

谷氏豐潤舊族女貢生杜嘉緒繼室也年二十適杜氏翁姑早逝越七年夫歿子懋元甫三歲撫養備至稍長恐其偷安於塾師工課外凡小學通鑑諸書皆親授之懋元十八援例入監爲甯邑知名士娶媳芮氏舉孫二懋元卒姑媳熒熒久之芮氏亦逝氏又以撫子之心撫孫未嘗稍懈長孫成袞候推守府次孫成燾列太學皆谷氏教養之力守節三十四年而終乾隆十八年東路分府毛給雙節匾並旌之

芮氏邑庠生杜承鯨妻年二十五承鯨卒氏無子志凜冰霜事翁姑以孝聞撫侄如子奴婢輩亦體恤周至苦節十四年至三十有八而終

王氏齊傑妻年十七歸傑謹守婦道未三載傑亡子俊英方兩月餘氏年十九矢志守節撫養遺孤家業蕭條衣食無措以紡績針黹度日艱難辛苦莫可名狀壽七十八而終

李氏王岐祥妻夫故年二十有七家貧如洗奉事公姑能以孝著教子成立守節五十七年壽至八十四

甯河縣志

卷之十

貞節

九

而終

宋氏廩監生杜恭訓妻年二十八夫故無子孀姑年邁朝夕奉事惟謹鄉黨宗族皆以孝稱撫嗣子成名繼先志晝荻之風復於氏見之矣歷苦節三十餘載年六十有五而終

章氏張維勳繼室年十九孀居上奉舅姑下撫兒女不失其道守節三十二年而終

汪氏王作梅妻年二十五作梅病故遺孤俱在襁褓家貧氏誓以死守事高堂以孝撫弱子以恩紡績杵

曰外一無可恃氏安之若素苦節四十九年而終
邊氏馮世純妻年二十二夫亡矢志守義越六月生
一子育孤成立苦節歷五十年壽逾七旬而終乾隆
二十一年 學院徐以勁節凌霜表之
蘭氏馮世鈞妻年二十四夫亡遺孤尙幼形單影隻
甘心苦守全節而終乾隆三十一年 學院徐給匾
獎之

高氏于元捷妻元捷故子煜甫六歲炳尙在襁褓氏
年二十六家無恒產針黹度日撫子成立守節五十

五年壽八十一而終

倪氏傅從憲妻夫亡子好善甫三歲氏年二十三矢
志守節歷盡艱辛撫孤成立壽至八十九歲而終知
縣黃紹魁給書荻功成匾以獎之

安氏王元起妻元起故氏年二十六家貧無子立胞
侄澤寬承祀孝事公姑撫子成名孀守歷八旬而歿
劉氏廩膳生陳其璜之妻也十九歲歸陳事姑惟謹
年二十八其璜歿遺孤纔五日劉忍死鞠之愛勞兼
至訓子有成孫列膠庠年七十乃卒

劉氏郭思見妻思見故氏年二十遺孤甫兩歲或有勸其改適者氏堅拒之甘守苦節上奉翁姑下撫孤兒曲盡其道未幾翁姑俱歿子亦天亡零丁孤苦矢志愈堅採野蔬以自給掇落葉以爲炊遠近莫不歎息守節五十餘年壽七十六而終

張氏竈戶李龍章妻年二十龍章歿氏撫孤守節孝養公姑康熙四十六年闔鄉公請表揚豐財塲鹽課司韓給節孝可風匾以嘉其節

鄭氏歲貢生候選訓導劉機妻年二十五夫故遺孤

甯河縣志

卷之十

貞節

三

敬承甫六歲教養成成人苦節自守年七十一而卒

段氏劉邦殿妻年二十六邦殿病故姑年七十有一子鉅始生七月氏甘心守節困苦備嘗歷四十餘載年七十三完節而歿乾隆二十四年 學院金給匾獎之

楊氏劉輝曾妻二十五歲孀居無子過叔嘉賓子承嗣堅貞自矢教子成立苦節三十四年至五十九而卒

張氏廉德煥妻夫故年二十五力貧作苦毫無懈志

奉老撫孤曲盡其道遠近親族咸歎服焉守節三十三年歿

李氏廉德信妻夫故年二十六奉養公姑務得歡心訓誨子嗣慈嚴並著苦守貞節三十一年至五十七而卒

張氏拔貢生廉選妻年二十四夫故謹事翁姑仰體親志供奉必經己手訓誨幼子貽謀有道守節二十九年歿

李氏廉佩妻夫故年二十勺飲不入欲以身殉父母

甯河縣志

卷之十

貞節

三

勸解乃止奉舅姑以孝聞撫孤幼有恩冰霜自矢守節二十九年而卒

張氏廉銘妻夫故年二十四歲矢志靡他奉翁惟謹守節二十七年五十一歲卒

安氏處士劉毓琇妻年二十七孀居無子撫侄承嗣事姑盡孝課子成名乾隆丙戌學憲德旌以壺行可風年八十有四完節而終

閔氏杜世績妻夫故年二十八慟夫亡誓以身殉翁姑極力勸止縞衣素履矢志靡他上事公姑下訓孤

子俱有可稱守節四十年六十有八而卒
尚氏馮崑妻年二十四夫亡子幼翁姑衰老家無升
斗氏獨勵志自守其事翁姑撫弱子勤劬並至青年
篤節白首彌堅歷五十餘年無悔色

宋氏邵懷妻年二十二子兩歲而懷歿膝下僅孤兒
婦且悲且計思所以度日者既乃日勤則可以食力
儉則可以省費吾持此終身已矣卽教其子亦以此
二字爲兢兢故宗族咸以此多節婦治家之法云

閻氏王士謙配也士謙歿婦年僅二十一子生九月

家故貧婦親操井日勤織紵甘之如飴親戚或慰勞
之婦曰勞苦婦職也艱難婦命也愈篤志不怠子稍
有知卽教以退讓醇謹無貽先人玷居家無喜容亦
無愠色里人多賢之

童氏李莘夫妻夫卒氏年二十五無嗣泣曰夫亡無
後義當殉之欲絕者數矣姑勸之曰殉夫義也立後
亦義也何舍生爲氏涕泣受命於是集族人請爲夫
後乃同胞侄甲事姑撫子朝夕無惰李氏宗黨咸交
口賢之

王氏李文臺妻年二十夫故之死靡他甘心自守時
祖姑張氏孀居年七十歲姑趙氏孀居年四十五歲
所遺一子甫六月煢煢子立上下無依氏躬親耘耔
養老撫孤心力交瘁人稱一門三節云

高氏李成沛妻年二十三夫故無子誓不改適繼侄
爲嗣家素貧日勤女紅以自給事姑孝撫子慈至今
守節三十餘年

馮氏李成城妻年二十六夫故遺子方六月氏上奉
翁姑下撫弱子諸艱備歷守節三十一年

甯河縣志

卷之十

貞節

三

李氏生員于御龍妻御龍故氏年二十六旣無恒產
又無子嗣堅心苦守乾隆二十年 學憲徐給松青
栢茂匾以獎其節

孫氏于九誠妻夫亡氏年二十八子復懋年五歲家
無升斗氏獨力支持攜孤寄食外祖家教育成人八
泮食餼親友嘉之立匾公頌以彰其節年四十五而
卒

趙氏府庠生陳實大妻實大固渠梁望族矻矻嗜學
娶妻四月病故無子遺腹生一女氏誓死不去事舅

姑克盡婦道後以胞侄其佩承嗣撫育如己出朝夕課書毋令怠弛慈而能嚴孀居五十七年謹守閨內隣嫗少過從者登上壽而卒

于氏武進士鎮江府守府于君卿第三女也少歸劉本義夙嫻婦德夫亡無子止一女家貧針黹自給苦節至七十而卒

宋氏民人李瀛妻年二十七而寡孝姑育子苦勵冰霜知縣黃紹魁給松柏堅操匾以褒之守節四十二年而歿

李氏監生劉毓玠繼妻候選州同知李茂桂室女毓玠卒年二十七恪事公姑撫侄立諮爲嗣教訓有方性甘淡素矢節四十餘年壽垂七十矣立諮學品俱優貢入成均皆李教也

石氏邑庠生吳象乾妻原任贊皇縣教諭吳璉之媳也象乾病故無子氏年二十有一慟夫亡水漿不入口者累日誓不再生璉與婦王氏泣勸之曰吾只生汝夫一人汝若隨汝夫於地下吾夫婦二人年近六旬將何所倚聲淚俱下氏惻然感之從翁姑命堅志

守節衣服食用俱安淡素奉侍舅姑克盡婦職翁念嗣續娶側室生二子其後翁姑相繼謝世時家道艱難喪葬大事禮無違者叔年俱童稚幼而教誨長而授室無一非氏力後次叔夫婦相繼天亡遺孤二人長五歲幼三歲撫養教訓氏復以一身任之鄉閭哀其志悲其遇談者無不咨嗟感泣現年六十有一

朱氏歸李登科爲室登科歿婦年二十一歲家故貧子方四月氏悽然曰所恃者此兒也焉得俾之成立報良人於地下乎於是畢力操作艱苦備嘗朝夕無怠又能動循禮法教其子以慤謹爲先今其子已成立氏年六十有三矣

王氏河南陝州知州杜適文副室年二十三適文卒有遺腹比生子名廷蘭出繼叔祖恭瑋氏以一門血食惟賴此子躬自乳養之廷蘭少多病醫不效氏禱輒應人皆以爲節義精誠所感云及就外傳督課甚嚴氏雖席豐厚晝夜織紡不輟或止之曰吾聞民生在勤正欲令此子知之也今其年已六十三而勵精如故

孫氏李思玠妻年二十三夫亡子幼甘守如飴歷八旬如一日乾隆三十六年 學院倪給匾以嘉其節
袁氏候選縣尉徐楷妻年二十二楷故氏苦守孀節紡績度日孝事舅姑撫子入泮疊經 東路分府毛知縣葉志寬屠祖賚給匾嘉獎現年五十有四
李氏張克讓妻克讓歿氏年二十三無子氏曰不幸早失所天義當殉其姆氏勸曰獨不爲立後計乎勉從之於是卜吉以姆氏之子玉麟爲嗣服除卽爲其子擇配完婚不數年其子又亡氏勤苦自勵與其媳

熒熒相守今年已七十有七猶健在

張氏國學廷縉女也年十七適杜恭琦第十二子履恆素明大義克盡婦道孝孀姑順夫子莫不以賢淑稱之年二十三履恆卽世遺孤時週歲氏哀毀幾殆勉以自持孝姑撫子歷三十年如一日

邵氏卽李節婦之媳張玉麟配也玉麟歿氏年二十四子尙弱齡以姑在子幼義不捐生乃曲盡婦道以事姑姑得氏侍晨昏忘其膝下無兒也居常教子必述姑言家事必稟於姑四十餘年無怠今其年六十

七矣張門兩世苦節人以爲難焉

梁氏廉適妻年二十七歲夫故恪事翁姑毫無懈怠嚴於教子務延名師授學焉子永欽早入黌宮皆氏之力也現年五十八歲

趙氏李守才室年二十七守才歿一子方四齡家徒四壁衣食無所資每不欲生因念宗祀無託欲撫子成立以繼之於是日夜紡績易粟以自養日不再食者二十年後其子稍長始克奉母氏焉至今年六十一矣

韓氏李尙配尙歿氏年二十六有遺腹未育氏哀夫之早喪誓以死殉親族咸勸之曰捐生易守節難汝當爲其難者且汝既有身矣尙生男李氏之幸也萬無淺見氏敬受誠至期果舉一男身兼教養俾之成立現今年六十二歲遠近稱其苦節

薄氏歸李自奉生子方三歲自奉歿氏以撫孤爲重不卽死其家素窮約然氏知大義旣孀居足不踰閭雖親屬罕見其面晨夕勤針刺爲薪水資至老不輟今年六十四距初寡時已三十七年矣

章氏張昌禮妻二十五歲而寡子方四齡當昌禮病劇謂氏日子當好自爲計氏曰婦人從一而終者也勢可守則守之不可則死之異日當見君於黃泉以質此言及昌禮歿氏愈自儉約食粗糲衣疏布性嚴整娣姒之共居者絕不見其有笑容人以爲知禮至今已六十矣

馬氏李廷士妻廷士歿婦年二十四悲曰李氏門衰祚薄至此所餘者僅兩齡兒耳我生則無以慰良人我死則無以撫弱子勺水不入者累日繼乃知全孤爲重勉進飲食親操作針紝劬勞以待其子之長現年六十有四

趙氏李文魁妻年二十六夫死遺子方五月是歲公姑相繼而亡氏一無所倚茹苦撫孤貞操自矢現年六十歲

某氏劉法賢妻賢卒氏年二十四堅守貞節家貧子幼艱苦備歷若將終身現年五十一歲

某氏李祥妻祥二十四歲卒家貧無子翁姑垂老氏勤織紡忍苦奉侍毫無倦色至今七十歲

張氏李寬妻寬卒氏年二十五歲無子過姪文明承嗣茹霜撫子今年六十九歲

吳氏武夢庚妻夢庚卒氏年二十二孀居家貧無子叔允成以次子定遠嗣之現年七十一其子定遠亦早逝妻張氏年二十八苦守以奉孀姑焉

劉氏鄭振先妻年十七歸振先未及一載夫故無子氏晝夜哀慟幾不欲生翁姑再三勸解始進飲食堅心守節侍奉翁姑生事死葬無少失禮親族俱以孝稱繼堂侄敏行承嗣鞠育教誨愛同己出守節四十年至今五十八歲

楊氏張肇鼎妻肇鼎亡氏年二十三縞衣素履堅志守節奉事公姑教誨弱子各盡其道現今五十三歲廉氏張珣妻珣故氏年二十四矢志堅貞上事舅姑孝順無違下教嗣子愛勞兼至家計艱難備嘗辛苦現年五十七歲

王氏馮允貴妻年二十六夫亡子幼家甚貧並日而食翁姑早逝艱辛困踣苦節四十年今六十五歲董氏馮之珪妻年二十七夫亡子幼室如懸磬誓不

改適奉高堂以孝撫孤子以慈苦節終身並無難色
至今六十七歲

楊氏蘇萬惠妻年二十五萬惠故遺孤甫七歲氏矢志孀居上事公姑下教弱子各得其道守節六十餘年現今八十六歲

唐氏馮永城妻年二十六永城亡子幼翁姑俱逝零丁孤苦堅守貞節四十餘年至今六十七歲

孟氏杜恭偉副室年二十九恭偉卒遺子女各一甫數歲氏百方護恤之後子天逝女適曹氏亦尋卒氏

熒熒孤苦節彌堅至今五十一歲

高氏李浦妻年二十五夫故無後堅志守節繼子承嗣鞠育一如所生守節五十餘年現年七十有八

楊氏趙文明妻年二十五夫亡守節嗣侄趙樑爲子茹苦撫孤貞操自矢歷二十四年現年四十九歲

崔氏于存誠妻夫亡年二十九子彥明正在孩提室如懸磬鞠子守節矢志不移現年八十有三

于氏張紋妻夫亡氏年二十五遺孤未週歲家無升斗僅以針黹度日旣而子漸成立外出營生久無音

信窮困顛連熒熒孤嫠苦節三十餘年現年五十有四

呂氏于明誠妻夫故氏年二十六遺孤方六歲家無恆產苦志守節歷二十九年現年五十五歲

盧氏王縉妻縉故氏年甫十九矢志守節撫育遺孤至於成立現年七十三歲

廉氏李昇妻昇故氏年僅二十慟夫亡欲以身殉翁姑力勸氏始從命縞素終身事翁姑供養豐厚自奉不過糟糠鄉里嘉之現年五十二歲

張氏于新官妻新官故氏年二十九家無恆產遺孤三人俱在童稚氏針黹度日撫育有方後長次相繼歿氏艱辛備歷矢志彌堅現年七十一歲

趙氏邵思成室年二十五而思成歿時子樹葵生方三月家素約婦且操井日夜勤刀尺積勞數十年不言其瘁尤深持大體嚴辨內外孀居來身不踰閭雖親族罕見其面以故姻黨多重之今其年五十有九矣

李氏馬兆璞之妻也年二十七夫亡食貧茹苦矢志

冰霜生二子撫訓有方長子偉補弟子員次子傑出
嗣胞叔後領乾隆辛卯鄉薦

孫氏處士張鳳藻之妻也年二十四鳳藻歿止生一
女家無立錐堅志守節撫任份爲嗣日事女工貽謀
有道厥後子份入國學孫亦列諸生今壽七十三矣
馮氏王維翰妻年二十七夫死子方七月姑老家寒
甘心苦守姑歿哀禮備至撫養孤子至於成立歷今
三十四年現年六十餘歲

馬氏玉麟室女年十五貢生陳鑑聘爲副室五年生

子女各一鑑卧病氏親視湯藥衣不解帶者二年夫
歿家業蕭條氏以績紡針黹度日上事鑑之嫡妻下
撫子女辛勤備至迨後女長出嫁子讀書入泮仍以
績紡針黹延年現年五十歲

高氏李僑齡妻夫卒年十九誓以身殉父母力勸始
止縞衣素裳堅志守節孝順翁姑初終無間現年五
十歲

于氏岳居安妻年二十五居安歿子未週歲有勸令
改適者氏峻拒不納食貧茹素倚針黹度日疊遭家

難之死靡他苦守三十餘年現年五十六歲

賈氏段德昌妻年十九夫亡家業艱難矢志苦守上遺翁姑下無子嗣因勸翁置側室爲似續計後翁生一子未週歲而翁復去世氏喪葬盡禮謹事姑嫜恩養小叔各得其道現年五十三歲

李氏岳良貴妻二十一歲夫卒子女無出公姑年邁織紡佐養矢志靡他其清操自勵雖暑月霜天作勞不輟現年五十七歲守節已屆三十六年

趙氏岳良俊妻夫卒氏年二十三歲家貧如洗事公

姑以孝聞孤苦守節毫無懈志守節四十年六十三歲而終

段氏胡桂妻年二十七夫故子甫四齡辛勤鞠育撫之成立守節三十八年至六十五歲而卒

高氏胡允齡妻卽段氏之媳也年二十一歸齡未數月齡貿易于外六載不歸竟客死于關東無子高時年二十有六上奉孀姑劬勞臻至以族子爲後念夫骨之未還也哀求于族之親者而營運焉因舉其姑之喪與夫之喪而並葬之且事姑數十年克盡婦道

兩世貞操飲冰茹苦現年五十七歲

姜氏岳成章妻年十八歸岳越歲夫亡子僅彌月翁姑皆五旬餘家甚貧無以爲生其翁慮姜年少謂姜曰汝夫旣亡汝又少艾家道若此胡不改適冀免孤苦姜匍匐翁姑前抱幼子號哭自誓因割衿擲地曰媳有他意有如此衿遂曉夜勤女紅以奉翁姑鞠弱子卽并日而食嘔出血亦毫無悔志守節三十餘年現年四十九歲

李氏邑庠生杜九思妻年十七適九思二十七夫歿

子四人長甫七齡少者尙未週歲氏教養兼至常垂淚訓其子曰吾紡績爲食書香縱不能繼慎毋失爾祖父勤儉忠厚家風庶幾稍慰吾志亦以報乃祖父也故其子皆能守儉樸之訓以克昌厥後焉守節至七十七歲而終

王氏邵蘭谷配也蘭谷苦志詩書旣列庠爲增廣生益奮力自勉遂以勞瘵病終時氏年二十有七無子撫棺慟曰吾厚望夫子光大門閭今已矣未亡人其相從於地下矣旣而以孀姑在不敢捐生於是忍死

從義立嗣朝夕奉侍益謹姑時思子氏多方排解之
而心愈自凄切逾三年竟鬱鬱以歿疾甚猶以不克
終事老姑爲恨雖孀幃未久而孝義凜然殆與完節
無異矣

邵氏廉超妻超早亡無嗣氏年二十有六慟不欲生
翁姑撫勸之曰吾二人惟此子今旣亡所恃以慰晨
昏者惟汝卽立嗣以延吾兒後者亦惟汝汝奚舍生
爲氏乃從翁姑諭勉治喪事以堂侄永諧爲嗣飲食
居起必諄諄訓導之無異已出也奉翁姑務得其歡

心絕不假手奴婢輩翁姑偶有疾湯藥飲饌必躬必
親晝夜無倦色可謂能以婦道而兼子職者矣竟後
其夫十餘年而歿然其貞潔之操苦節之篤人皆以
完節歸之

段氏劉邦殿妻年二十二夫死矢志守節撫孤成立
氏年七十三卒乾隆二十四年

旌表

黃氏廉鈺未婚妻鈺故氏聞訃奔喪矢志守節事翁
姑曲盡婦道撫姪爲嗣年七十二卒乾隆五十一年

旌表

吳氏張亮祖妻年二十五夫死子幼矢志守節養親教子孝慈兼盡姑久病在牀侍湯藥三年不少懈後子娶婦氏仍趨承如故始終無間人皆賢之年八十八卒學政陳以吉金貞玉匾額獎之嘉慶十一年

旌表

鄭氏許成文妻年二十五夫卒親老子幼矢志守節孝慈兼盡子達夫以文學名氏年七十七卒嘉慶十四年

旌表

張氏廉永敬妻年二十七夫亡子沂幼多病時太姑翁姑俱存朝夕承歡無稍怠以孝稱後太姑翁姑相繼歿依夫叔同居與姊互操井臼始終無間言子沂中嘉慶癸酉副車官青縣教諭孫兆綸庚子成進士官工部右侍郎戚黨榮之咸以爲節孝之報嘉慶二十五年

旌表

董氏馮福昌妻年二十六夫亡子幼矢志守節事翁

姑以孝聞教子成立卒年七十六嘉慶年間

旌表

呂氏王淑妻年二十夫歿無子姑老家貧氏以針黹
佐甘旨姑病氏晝夜禱祝願以身代親族莫不嘉其
孝焉嘉慶年間

旌表

韓氏李達有妻年二十四夫卒無子翁老家貧氏以
婦道兼子職撫姪瑞麟爲嗣入武庠氏年六十六卒
道光元年

甯河縣志

卷之十 貞節

三

旌表

許氏馬榮妻年二十九夫亡矢志不渝撫子國安成
立卒年八十六道光元年

旌表

蔣氏常景澍妻年二十二夫亡無子氏矢死靡他事
舅姑能得歡心以姪棣爲嗣守節五十餘年道光二
年

旌表

張氏廉永綏妻年五十四夫歿苦守二十五年以壽

終道光四年

旌表

高氏邑庠生曹泳妻年二十四夫亡守節無子女家貧賴姪元桂奉養堅貞自矢苦守六十年八十二歲卒道光五年

旌表

曹氏宋德聚妻年二十七夫亡無子家貧氏紡績度日苦守自甘撫嗣孫國印成立工部主事傳繩勲贈以松柏有心匾額道光五年

甯河縣志

卷之十 貞節

三

旌表

于氏靳朝楫妻歸靳甫一載夫卒矢志守節孝事翁姑三十年如一日學政彭表以陰德鍾祥匾額道光六年

旌表

趙氏庠生廉丞妻年二十九夫亡矢志守節五十年始終無閒壽七十九卒道光七年

旌表

常氏生員劉永斯妻年二十八夫亡撫孤守節年七

十六終道光八年

旌表

廉氏太學生李宗泗妻年二十一夫亡子幼氏節勵
冰霜終始無間道光十年

旌表

王氏庠生馮印堂妻年二十九夫亡無子翁姑衰老
家種地十餘頃人眾事繁氏經理有法家業賴以不
替撫姪大勇爲嗣愛如己出學憲潘獎以霜筠清蔭
匾額卒年八十七道光十六年

甯河縣志

卷之十

貞節

四

旌表

鄭氏孫甯遠繼妻年二十一夫故子幼氏矢志守節
家故饒產業人多分取之氏置而不校性好施時以
米錢濟貧乏全活者眾未幾子亡遺三孫撫養教訓
俾皆成立年八十七無疾而終道光二十一年

旌表

李氏張魁矩妻年二十四夫故子幼氏清操自勵仰
事翁姑曲盡孝道訓子以義方人皆賢之卒年八十
五道光二十五年

旌表

董氏劉振曾妻年二十四夫亡翁姑在堂子女俱幼氏苦守節事翁姑撫子女孝慈兼至後子通和入泮食饌子孫蕃衍卒年九十道光二十五年

旌表

劉氏于榮妻年二十三夫歿翁姑老子女俱無氏誓以死守撫姪爲嗣奉親教子孝慈兼盡里黨敬之道光二十六年

旌表

甯河縣志

卷之十 貞節

四

唐氏劉永吉妻年二十五夫亡矢志守節年六十四卒道光二十六年

旌表

陳氏邵康齡妻年二十三夫卒家貧子女俱幼翁姑垂老氏事親先意承志治家勤儉教子嚴正子宗濂貢成均氏年八十二卒道光二十八年

旌表

馮氏增生李國柱妻年二十四夫故矢志守節四十二年卒道光三十年

旌表

談氏馮其文妻年二十三夫亡無子翁老家貧氏堅守苦節孝奉老翁後撫姪爲嗣教養如己出年八十卒道光年間

旌表

陶氏高天秩妻年二十一夫卒子靜甫二齡家貧姑老氏孝親訓子艱苦備嘗子登道光甲辰賢書孫崇恩官望都縣教諭賡恩丙子進士翰林院編修人以爲節孝之報云氏年六十二卒咸豐元年

甯河縣志

卷之十 貞節

望

旌表

馮氏高尙賢妻年二十夫卒家貧子亦殤未幾嗣子又卒氏形影相弔苦節自甘年七十六卒咸豐元年

旌表

張氏靳永銓妻年二十七夫亡家貧子幼典衣飾竭力營葬勤紡績撫遺孤數十年艱苦備嘗後子成家道豐盈長鳳翥次廷祥皆捐職氏榮膺封典人咸謂苦節之報焉年八十卒咸豐元年學憲程以彤管揚輝匾額獎之二年

旌表

董氏高煥妻年二十七夫歿親老子幼家貧氏勤紡績佐夫弟供甘旨未幾翁姑相繼歿子又溺死悲號欲絕後夫弟亦亡遺一子遂兼祧焉年六十九卒咸豐二年

旌表

靳氏李維垣妻年十九歸李數月夫故無子家貧氏守節以針黹度日事翁姑盡孝道以胞姪良弼承嗣撫愛如己出稍長從師授讀闔族立闔儀足範區額

甯河縣志

卷之十 貞節

三

頌之現年七十咸豐三年

旌表

張氏王家齊妻年二十四歸王數月夫卒遺腹生一子家貧親老氏奉親教子各盡其職翁姑歿攜子就養母家後子亦卒孫履賢入邑庠家亦漸興現年八十三咸豐三年

旌表

張氏胡棠妻夫嗜學以癆疾卒氏年二十二無子以姪泮鵬爲嗣孝事翁姑慈撫嗣子泮鵬入武庠後亦

亡撫長孫鉞成立氏年八十二卒咸豐四年

旌表

莫氏陳秉勳妻年二十三夫故氏堅貞自矢始終無間年七十三卒咸豐七年

旌表

邵氏廉淳妻年二十八夫亡家貧矢志守節五十七年卒八十五咸豐八年

旌表

陳氏杜樹芳妻年二十一歸杜未半載夫歿哀痛欲

甯河縣志

卷之十 貞節

四

絕因翁姑在堂且有遺腹遂葬夫侍養未幾生一子後翁姑繼逝喪葬如禮鄉黨莫不重之道光二十一年學憲馮以筠霜勵節匾額獎之現年七十四咸豐十年

旌表

陳氏廩生劉國望繼妻年二十九夫歿矢志守節事親撫孤孝慈兼至子孫皆蜚聲庠序現年七十歲同

治二年

旌表

劉氏沙敏霖妻年二十八夫卒矢志守節四十餘年
同治二年

旌表

孫氏于維純妻年二十三夫亡無子家貧飢寒不易
其心苦守五十餘年七十六歲卒同治二年

旌表

杜氏舉人李昉繼妻廩貢承鼎女也少從父受內則
女經諸篇寡言笑惜物產年二十五適昉隨撫甯教
諭任昉卒於任所氏年二十八有前室子二隨櫬回
甯
里家徒四壁氏撫孤如己出勤儉持家冰霜自矢教
子孫讀書使書香不絕至今親族咸稱述之守節五
十一年七十九歲終同治三年

旌表

邵氏邑庠生陳鴻翔妻年二十夫亡無子敬奉翁姑
及姑歿翁卧病氏侍湯藥不少怠平居好讀書史暇
則與家人談古節義事戚黨咸重之嗣子學孟入郡
庠氏年七十卒同治三年

旌表

杜氏滿智繼妻素嫻閨訓孝親敬夫撫前室子如己
出氏年二十七夫病氏侍湯藥不少怠及夫歿氏痛
不欲生卽日仰藥以殉同治三年

旌表

閻氏劉成柏妻年二十夫故無子女時翁姑在堂氏
勵節奉親嘗泣曰夫死我何生爲所以不卽死者代
夫盡子職耳以姪步廷爲嗣撫養成立嘗以紡績紵
家困年七十三卒同治四年學憲龐以貞松冬茂匾
額獎之並請

旌表

張氏靳光閭妻年二十六夫卒氏食貧茹苦矢志靡
他工針黹孝翁姑姑歿遺小姑三人氏撫養及笄嫁
時竭力經營無貽堂上憂適邵室姑數年亦寡孤苦
無依氏復迎歸養之撫慰兼至氏年六十六卒立堂
姪鴻輯爲嗣同治五年

旌表

鄂氏楊成蒲妻于歸日夫已病篤合巹後數日夫卒
氏年二十一矢志守節孝事翁姑年六十一卒同治

五年

旌表

孔氏王著崧妻年二十七夫亡二子一女俱幼氏悲痛欲以身殉翁姑止之曰汝志誠嘉此藐孤將誰恃耶氏乃忍死養親撫孤成立家素豐氏荆布自安年五十後猶勤紡績類貧家婦巾幗中皆取法焉現年五十九同治五年

旌表

閻氏劉通健妻年十七歸劉兩世翁姑俱在堂氏婉

霄河縣志

卷之十 貞節

望

轉承歡謹執婦道未幾夫卒氏雖痛不欲生而在太翁姑翁姑前猶飲泣勸慰後依夫弟通源度日撫嗣子如己出恩義兼盡年八十二卒同治六年

旌表

劉氏廉永舒妻庠生濤之繼母故給諫人睿長孫女也歸永舒年餘而寡性靜默夫亡後尤寡言笑內外之辨極嚴年八十七終同治六年

旌表

劉氏儒士李正春妻夫以苦讀病卒氏年十九依姑

守節克循婦職撫兄子誠蔚爲嗣訓誨有方誠蔚領
甲子鄉薦長孫倬次孫俶相繼入泮皆氏苦節之報
也現年六十六同治六年

旌表

王氏貢生魏希禹妻年二十九夫亡子幼氏矢志守
節撫子成立氏年六十五卒同治七年

旌表

孫氏太學生翟際虞妻年二十八夫亡家貧子幼事
翁姑以孝稱子長延師課讀以紡績供膏火後子成

立家業漸興人謂節孝所感焉現年八十三同治七
年

旌表

崔氏邵宗雍妻年二十七夫亡翁姑老子女皆無氏
苦守以姪之驥爲嗣撫育教誨名列學宮不幸又先
氏而歿同媳張氏兩世孀居人皆重之同治八年以
姪之蕙貴馳封孀人並請

旌表

馬氏徐泰程妻年十九夫亡無子氏堅貞自守勤儉

持家立姪爲嗣撫之以恩未幾姪亡又撫姪孫成立四十餘載艱苦備嘗現年六十四同治八年

旌表

杜氏劉大順妻年二十一夫亡遺腹生一子名祥事翁姑能得歡心翁姑歿喪葬盡禮撫孤成立現年六十四同治八年

旌表

張氏邵書行妻年二十三夫亡守節冰蘖自甘年四十卒同治八年

甯河縣志

卷之十

貞節

吳

旌表

張氏邵德齡妻年二十四歲夫亡堅貞自矢守節至六十九歲卒同治八年

旌表

張氏陳保妻年二十夫亡無子誓以死守敬嫂撫姪操作勤苦志凜冰霜現年六十八同治八年

旌表

齊氏滕大妻夙嫻閭訓忽爲強暴所逼氏拒絕之自縊死同治八年

旌表

王氏任桂齡妻年二十三夫亡無子矢志靡他卒年六十九同治八年

旌表

張氏李太庚妻性端凝識大體年二十八夫亡遺弱女無子伯叔子又無可繼氏曰吾何難從夫地下然遽誓以死是不待伯叔生子徐議承祧而絕夫之嗣也由是堅貞自守家計蕭條與寡嫂相依迨女既嫁以堂姪爲嗣苦節二十二年五十歲卒同治九年

甯河縣志

卷之十

貞節

三

旌表

蔣氏常家駒妻年二十一夫卒無子苦志守節孝事翁姑日勤女工至老不懈以姪爲嗣姪亦早歿氏年七十二卒後立孫以奉祀同治九年

旌表

張氏邵書樞妻年二十四夫亡無子撫姪宗有爲嗣未幾宗有亦卒婦崔氏年二十一姑媳苦節共勵冰霜鄰里敬之同治九年

旌表

劉氏生員廉肅妻年二十七夫亡三子皆幼翁姑垂老氏奉親撫子各盡其道翁姑歿後三子皆遠出氏貧苦愈甚現年八十一同治九年

旌表

孟氏梁桂妻年十九夫歿一女幼孀姑性嚴肅桂歿時謂氏曰余本家貧今遭大故能守節惟汝否則不相強氏聞之以手自抉其眸血流滿面誓以死守姑媳相抱痛哭氏由此一目失明晨昏定省每俟姑寢後輒坐對夫靈泣不敢令親聞時夫弟柏幼極敬嫂成立皆氏輔佐之年七十餘卒同治九年

旌表

馬氏張文岱妻年二十三夫卒無子二女幼家貧翁老氏以紡績爲孝養資矢志不貳及翁歿竭力營葬老而愈貧就養女家現年七十九同治九年

旌表

田氏劉振寰妻年二十七夫卒無子姑老家貧矢志守節事姑先意承志卒年六十三同治九年

旌表

劉氏杜前妻年二十九夫亡無子家貧以針黹營生
冰霜勵節現年七十五同治庚午

旌表

錢氏劉士傑妻年二十夫亡孝事翁姑以婦道代子
職節孝兩全現年五十七同治十年

旌表

李氏庠生張鳴瑞繼妻年二十五夫卒子暉幼氏守
節撫孤經理家政子稍長延師課讀後暉以廩生貢

甯河縣志

卷之十

貞節

五

成均皆母教也現年八十同治十年

旌表

陳氏吳鴻逵妻夫幼年績學攻苦齎志而歿氏年二
十四矢志守節孝事翁姑曲盡婦道人皆重之年五
十餘卒同治十年

旌表

李氏張文學妻年二十一夫亡無子矢志守節善事
翁姑現年六十三同治十年

旌表

廉氏庠生劉通治妻事翁姑孝以紡績佐通治供甘
旨未幾夫歿遺三子氏年二十七茹苦含辛養親教
子責無旁貸今三子皆成立長孫沛然弱冠領鄉薦
同治十一年

旌表

孫氏增生張祖厚妻年二十五夫亡三子俱幼姑老
家貧氏日被紡績艱苦備嘗子廷良從師讀嘗詔之
曰汝名不早成我苦無了期矣廷良王戊領鄉薦大
挑一等分發江蘇補用知縣氏年七十九同治壬申

甯河縣志

卷之十 貞節

三

年

旌表

閻氏廉師濂妻年二十五夫亡守節四十六年現七
十一歲三世孀居四人節孝洵足風焉同治十一年

旌表

張氏李楷妻年二十四夫亡上有翁姑下無子女撫
姪維善爲嗣氏仰事俯育孝慈兼至現年七十三同

治十一年

旌表

王氏陳明訓妻年二十七夫故守節堅貞自矢現年七十一同治十一年

旌表

陳氏吳鴻妻年二十四夫歿氏矢志守節事翁姑曲盡婦道年五十四卒同治十一年

旌表

孫氏于永來妻年二十九夫故親老子幼家貧氏孝親教子甘苦備嘗現年七十九同治十一年

旌表

甯河縣志

卷之十 貞節

七

李氏趙芳妻芳家貧讀書氏出奩資供膏火並佐旨甘以奉繼姑而自奉極儉年二十二夫亡冰霜自守撫孤成立卒年五十七同治十二年

旌表

常氏楊開勳妻年二十歸開勳未一年夫故遺腹生一子名大成翁姑衰老家又貧氏竭力孝事所居陋巷遷徙流離無虛歲鄰里中鮮有識其面者子漸長使入學從師翁姑卧病日夜不離側卒時營辦葬具貧不廢禮同治十二年

旌表

張氏李寶善妻年二十三夫亡痛不欲生因姑老女幼氏矢志守節曲盡孝慈嘗以紡績佐甘旨撫夫弟瑞麟子爲嗣苦守五十五年七十八歲卒同治十二年

旌表

北塘郝恩詔之女名潤幼許字張玉衡張應童試名甚噪未冠病殤時潤年十六聞訃悲咽誓不再字嫂勸之潤謂此身已許張郎郎既死當守貞以符前約

晉河縣志

卷之十 貞節

五

蓋欲覓死而未得其便其父不知也同治十二年潤年十九父爲訂婚李姓女知之遂仰藥死同治十三年

旌表

劉氏董清健妻年二十二夫亡氏矢志苦守現年五十七同治年間

旌表

韓氏生員楊葆恒妻年二十八夫故家貧無嗣矢志守節艱苦備嘗現年五十九光緒元年

旌表

常氏增生吳瑞妻年二十二夫亡氏堅貞自矢常閉戶焚香不踰寢闥苦節三十餘年卒光緒元年

旌表

田氏庠生廉永培之側室年二十三夫亡子幼氏撫孤守節訓養有方光緒二年

旌表

陳氏滿春蘭妻年二十一夫故家貧無子父母恐其志不堅氏矢死靡他勤紡績以奉翁姑現年七十三

甯河縣志

卷之十

貞節

五

光緒二年

旌表

李氏于綽雲妻年二十五夫故無子氏矢志守節備歷艱辛里黨憐而敬之年六十三卒光緒二年

旌表

沙氏陳祖武妻夫久病氏侍湯藥數年無倦朝夕焚香籲天願以身代及夫歿氏從容料理後事殮畢遂以身殉時年三十八光緒三年

旌表

翟氏張有德妻年二十四夫亡子幼氏矢志守節孝
事翁姑教子成立現年六十三光緒四年

旌表

趙氏武庠劉沂妻年二十六夫亡無子氏守節四十
七年現年七十三光緒四年

旌表

劉氏崔光裕妻年二十五夫歿苦節自甘至老彌篤
光緒四年

旌表

甯河縣志

卷之十 貞節

三

胡氏監生于興納繼妻年二十九夫歿前氏遺一女
氏撫之如己出氏遺腹生子福澤事姑曲盡孝道家
事賴氏調理或族間子姪輩有貧者必周給之擇師
教子俾福澤早登賢書授威縣訓導人以爲苦節之
報云卒年八十四光緒四年

旌表

周氏張福順妻年二十歸福順數月夫故氏欲以身
殉因翁姑在堂無人侍奉乃矢志守節家貧以針黹
供甘旨數十年無少倦後以姪承嗣教養逾於所生

現年七十四光緒四年

旌表

王氏劉永奎妻年二十夫亡矢志守節冰蘖自甘年七十五光緒五年

旌表

李氏靳汝霖妻年十七夫亡家貧無子女氏節勵冰霜苦守四十一年現年五十八光緒五年

旌表

董氏庠生靳鴻綸妻年二十四夫亡矢志守節十五

甯河縣志

卷之十

貞節

美

年卒光緒五年

旌表

靳氏孫福春妻年二十夫亡無子誓以死守現年四十一光緒五年

旌表

姜氏李成林妻年二十八夫故無子氏苦節自守孝事翁姑數十年備歷艱辛現年七十光緒五年

旌表

李氏劉來山妻年十七歸劉踰年夫歿氏矢志守節

現年五十三光緒五年

旌表

勵氏山西平遙縣知縣于復慙側室年二十九夫故一子幼氏矢志守節撫養孤子成立後子又卒媳胡氏遺腹生一子福澤媳體弱多病氏撫孤孫教養兼至經理家政勞苦備嘗孫登咸豐乙卯賢書氏年六十七卒光緒六年

旌表

李氏武舉孫敬廷妻年二十八夫歿孝事翁姑撫嗣

甯河縣志

卷之十 貞節

五

子焱如已出焱入泮食餼苦守四十年卒年六十八旌表

李氏趙嘉惠妻年二十七夫以力學病歿一子亦卒家境蕭條零丁孤苦近支又無可嗣之子撫姪孫爲嗣躬勤紡績冰蘖終身每談古貞烈事聲淚俱下惻惻感人里黨歎服壽八十五卒題請

旌表

高氏趙淞齡妻年二十八夫歿遺一子光楹方數月氏欲以身殉翁姑諭以撫孤大義氏乃泣從命勤紡

績以爲孝撫資壽七十一卒題請

旌表

李氏趙嘉順妻年十九歸趙甫逾月夫卒家貧無子誓以死守以胞姪秉鈞爲嗣未幾秉鈞亦卒撫孤孫務農度日艱苦備嘗族黨賢之壽八十九卒題請

旌表

趙氏高桂芳妻年十八夫卒矢志守節戚黨以賢淑稱年六十六卒題請

旌表

甯河縣志

卷之十 貞節

卒

李氏翟際華妻年二十三夫歿無子矢志守節持家勤儉撫嗣子文臺成名年七十九卒題請

旌表

李氏于景文妻年十九夫亡無子矢志守節事翁姑能得歡心卒年五十二題請

旌表

張氏翟可立妻年二十四夫歿無子矢志守節孝事翁姑治家勤儉撫嗣子如己出卒年七十四題請

旌表

張氏高倫妻年二十九夫亡矢志守節教子吉昌等
成立年六十五歲題請

旌表

郝氏庠生劉祝堯妻年二十六夫亡無子矢志不
年六十六歲卒題請

旌表

楊氏劉癘莊王福全妻年三十六性貞靜相夫奉姑
克盡婦道家貧道光十四年九月夫往關外貿易十
五年正月氏生一子數日後鄰人郭有本伺其姑外

甯河縣志

卷之十

貞節

空

出突至氏室欲污之氏唾罵不從郭提刀威逼氏晉
益甚郭遂將氏砍死氏母鳴於官置郭於法氏以節
烈併案題請

旌表

李氏鄭國樑妻年十九歸鄭時夫病已危扶掖行禮
未彌月夫故氏矢志靡他孝事翁姑慈撫嗣子及翁
姑歿家益貧親族恆周恤之年九十五無疾而卒嘉
慶十二年順天學政周獎以冰霜勵節匾額

童氏苗一鳳妻年三十夫亡矢志守節撫子炳文漢

文成立氏年八十四卒嘉慶十二年學政周表以貞孝流芳匾額

董氏生員鄭觀行妻夫嗜讀資志病故生二子家騏家駒氏年二十五撫孤守節子長延師教讀後騏等相繼入泮貢成均年六十三卒嘉慶丁卯族姪大學士董誥以節壽垂榮匾額表之

徐氏楊澍妻年二十九夫亡矢志守節嘉慶十七年順天學政吳以節凜冰霜匾額獎之年八十四卒

王氏張賓東繼妻年二十六夫歿氏針黹營生教子

甯河縣志

卷之十 貞節

三

讀書後子振祥貢成均皆氏訓迪之力也道光六年學憲彭以節凜冰霜匾額獎之年八十五卒

杜氏崔檀繼妻年二十四夫亡氏素明大義孝事翁姑食貧無怨子孫俱登仕版道光十年學憲沈以節孝可風匾額表之

趙氏李有年妻年二十四夫故媳王氏年二十六夫故家貧冰霜共矢撫育嗣子成立兩世苦節數十年如一日道光十一年學憲表以松筠並茂匾額

楊氏張秉餘妻年二十五夫亡矢志守節孝舅姑撫

弱子持家嚴肅年七十餘無疾而終道光十四年學
憲帥以冰蘖貞心匾額表之

于氏龐思聖妻年二十一夫亡子幼孝事翁姑撫子
成立親族咸重之咸豐六年學憲李以匾額獎之

姜氏庠生曹錫三妻年二十三夫歿無子矢志守節
事翁姑以孝聞同治元年學政汪表以孝德延禧匾
額現年六十九

馬氏馮文光妻年二十五夫亡子幼氏守節孝事翁
姑撫孤子鴻儀成立鄉里親族以德厚節貞匾額表

甯河縣志

卷之十 貞節

三

之

吳氏馮念祖妻年二十四夫亡無子氏守節以姪學
敏爲嗣撫育如已出親族以德節雙全匾額表之年
八十三卒

董氏武畧騎尉高殿甲妻年二十四夫故子二矢志
守節事姑至孝撫孤成立次子入武庠氏現年五十
九

季氏李芹繼妻年二十九夫亡矢志不渝事翁姑以
禮三子俱幼及長延師課讀其季子入泮氏現年六

十三

陳氏劉國忠妻年二十五夫死無子女時翁姑在堂
氏堅貞自矢家貧勤紡績以供甘旨鄉里重之現年
九十一

于氏陳柏林妻年二十一夫卒無子親老家貧氏哀
毀欲以身殉翁姑慰止之曰汝死吾何以生且撫嗣
延宗事莫大焉慎勿益我二人憂氏乃勤針黹以養
親撫嗣子無異所生現年五十

鄭氏庠生崔爾調妻年二十六夫亡守節矢志不渝
年六十九卒

甯河縣志

卷之十 貞節

畝

楊氏王九齡妻年十九夫歿無子氏剪髮一束置夫
棺中誓不復嫁安貧守節以女工自度三十餘年艱
苦備嘗現年五十六

劉氏馮立魁妻年二十夫亡矢志守節現年四十八
殷氏李樹德妻年二十八夫故矢志守節年七十八
卒

張氏馮敏齋妻年二十五夫亡無子三女幼親老家
貧氏勤紡績奉雙親翁姑歿氏竭力營葬宗族皆重

之後立子裕爲嗣現年七十五

紀氏魏士慶妻年二十五夫亡翁繼歿孝事孀姑夫弟年幼子髫齡氏皆撫養成立現年七十七

邵氏張福祥妻年二十一夫歿姑老子幼氏堅貞自矢織席以爲事畜養姑歿竭力營葬鄰里重之現年六十四

張氏王大澤妻年二十四夫歿子幼氏堅貞自矢孝事翁姑鄰里推重未幾子殤翁姑相繼歿立姪所爲嗣後所入武庠氏年七十二卒

董氏李玉琢妻年二十八夫歿無子家貧矢志守節姑老病氏以紡績供甘旨艱苦備嘗姑歿殯葬如禮撫嗣子成立鄉里重之年七十八卒

甄氏劉成妻年二十五夫亡子幼翁姑老家貧氏以針黹供甘旨未幾翁姑歿喪葬如禮現年七十四

崔氏田永榮妻年二十二夫歿家貧親老無子氏勤紡績以養親自甘粗糲守節四十餘年後翁姑歿殯葬如禮撫嗣子承業成立鄰里重之現年六十四

楊氏童愷妻年二十三夫歿矢志守節現年五十三

崔氏經制周文輔妻年二十三夫歿於王事一子幼氏聞訃痛哭誓以死守扶襯旋里艱苦萬狀事翁姑以孝家貧勤縫紉供甘旨常課兒讀少惰則泣曰汝忠臣後也烏可以游惰敗家聲子後亦成立現年五

十三

鄭氏吳鴻漸妻家貧夫貿易養親氏以紡績助之未幾夫亡一子幼氏年二十八茹荼飲冰矢死守節無何子亦卒老境益形艱苦現年七十

傅氏崔兆熊妻年二十八夫亡家貧子幼氏苦節自

守以針黹度日撫孤成立現年五十八

崔氏李家春妻年二十一夫死一子幼氏哀痛欲以身殉翁姑慰止之氏乃矢志守節以針黹佐甘旨事親以孝撫子以慈含辛茹苦鄰里重之現年六十六苗氏張枝奇妻年二十九夫亡矢志守節現年六十

二

金氏蔣玉麒妻年二十二夫亡矢志守節現年五十六邵氏張紀書妻年二十八夫亡子幼翁姑在堂家貧氏以紡績爲事畜資始終不倦現年六十一

李氏崔允文繼妻年二十八夫故誓死守節撫前室子女若已出冰霜自勵現年五十

屠氏崔玉林妻年二十八夫亡家貧無子零丁孤苦誓死靡他撫姪爲嗣教養有方現年五十五

王氏崔德惠妻年二十七夫亡姑老家貧子女俱幼氏勤女紅養老慈幼艱辛備歷矢志彌堅現年五十二

于氏李登甲妻年二十六夫亡遺一女二子姑老家貧氏事親以孝撫孤以慈勤紡績佐甘旨後子成立

家亦漸饒孫曾繞膝現年六十七

李氏韓其彥妻年二十四夫亡氏苦節冰操矢志不二善事翁姑撫孤成立現年五十四

甄氏甘茂甫妻年二十八夫亡家貧守節矢志不二遺腹生一子撫養成立現年六十五

薄氏馬德英妻年十八夫亡無子氏矢志守節現年六十

張氏周國祿妻年二十八夫亡無子氏矢志靡他現年六十一

閻氏于大全妻年二十二夫亡無子氏守節以姪武庠溱兼祧現年五十二

張氏齊百舉妻年二十六夫亡遺二子一女姑老家貧氏矢志靡他日勤針黹奉姑以終天年撫子成立鄉里重之現年六十

于氏張有永妻年二十八夫亡無子氏矢志守節現年八十

魏氏馬豐妻年二十八夫亡子幼家極窘氏以針線營生撫養孤子堅貞自矢現年七十五

甯河縣志

卷之十

貞節

突

周氏顧愼妻年二十五夫亡矢志守節八十歲終

岳氏顧慟妻年二十九夫亡矢志守節六十二歲終

王氏顧其禮妻年二十一夫亡家貧氏以女工度日

矢志靡他五十二歲終

姜氏顧其敬妻年二十八夫亡家貧氏以針黹謀生矢志守節苦歷冰霜五十九歲

陳氏顧其智妻年二十六夫亡無子矢志守節五十八歲終

季氏李振德妻年二十七夫亡二子俱幼家境蕭條

氏矢志守節以女工度日撫養二子成立氏現年六十九

高氏楊齡妻年二十八夫亡無子氏矢志不二苦節安貧撫嗣子永發成立七十四歲卒

鄭氏李良臣妻年二十三夫卒翁姑老嗣子幼氏事親訓子苦節彌堅年三十卒

杜氏庠生劉筠妻年二十九夫亡數日後氏以身殉子庠生潤之咸豐三年在江西泰和縣剿賊捐軀婦董氏聞變亦殉焉一門雙烈人皆重之

齊河縣志

卷之十

貞節

究

滿氏甄福貴妻年二十八夫卒子幼孝奉翁姑以婦道兼子職訓子以義方子長讀書成名年四十六卒劉氏齊有成妻年十六歸齊未幾夫出關貿易死時氏年十九涕泣欲以身殉因孀姑無人侍奉乃矢志苦守家貧無子惟以女紅度日姑歿喪葬如禮守節五十一年七十歲卒

邵氏孫廷璐妻年二十六夫亡矢志守節現年五十

七

蘇氏李森林妻年二十二夫亡無子翁姑老氏竭力

承歡不稍怠撫姪爲嗣備歷艱辛五十三歲卒

張氏董長順妻年二十八夫亡子幼氏誓以死守撫孤成立七十八歲卒

佟氏高富妻年二十八夫亡無子矢志靡他惟恃十指以奉姑已雖並日而食晏如也年六十卒

侯氏劉玉衡妻年二十七夫亡二子俱幼家赤貧氏矢志靡他飢寒備歷現年七十三

田氏于鈞妻年二十六夫亡矢志守節年七十卒

李氏于德秀妻年二十一夫亡無子氏矢志守節家

貧以針黹奉孀姑現年六十三

牛氏李如山妻年二十六夫故家貧無子矢志守節撫姪誠學爲嗣愛如己出年四十九卒

張氏李如蘭妻年二十三夫故家貧子幼矢志守節與嫂牛氏冰蘖同貞備嘗艱苦一門雙節里黨賢之年六十卒

郭氏劉億來妻年十九夫故矢志守節現年四十九
劉氏侯萬基妻年二十七夫故矢志苦守家貧無子
以姪連山爲嗣氏年六十七卒

陳氏劉廣文妻夫出外病故氏年二十六子幼家貧氏以績紡謀生撫二子皆成立積勞太甚雙目失明一生苦節聞者莫不哀矜年七十一卒

邵氏陳大齡妻年二十三夫亡無子忍死奉親心貞金石以婦道兼子職舅姑及喪葬盡禮以姪潛爲嗣撫如己出爲之婚娶後從軍亡時家貧如洗氏痛媳張氏孀居恩勤倍至媳亦善承姑志數十年相依爲命親族憐其窘皆樂爲饋遺卒年八十五

張氏邵節婦嗣子陳潛配也潛沒氏年二十九無子

遺一女姑老女幼氏勤鍼帚易薪水得姑歡心女及笄又殤氏形影相弔事姑益謹姑歿氏哀懇親族助葬鄉里稱孝焉現年五十九

錢氏董兆恩妻年二十夫亡無子時姑亦寡兩叔俱幼室如懸磬氏脫簪珥爲姑謀甘旨屋圯不可居兩叔未婚娶皆賴氏就母家經營之叔又無出以堂姪爲嗣現年七十四

郭氏于玉妻年二十夫歿無子事翁姑以孝聞翁死事姑尤謹卽偶加譴責和顏順受姑歿哀禮兼盡立

族子爲夫後因久居蘆臺將翁姑夫之柩移葬桐城以完大事今逾六旬人咸稱苦節焉

陳氏廩生吳倬妻年二十九夫歿遺子二家計蕭索氏矢志堅貞勤於紡績藜藿自甘晏如也及見夫妹以貞烈傳慨然曰女能如是死勝生矣現年六十五
王氏陳大有妻年二十適陳長子潛承繼孀嫂次子浩尙幼未幾夫歿氏志貞金石事翁姑菽水承歡撫子成立完婚未幾子又從軍歿遺媳孫氏二人相依爲命翁姑歿喪葬如禮現年七十

甯河縣志

卷之十 貞節

三

張氏李贊侯妻年二十八夫歿無子矢志守節孝翁姑和妯娌撫姪聯奎承嗣恩勤倍至族中咸稱述焉年八十二無疾而終

李氏鄭潤妻年十九歸潤未彌月夫出貿易溺死氏驚聞欲以身殉念翁姑在堂忍死奉親以紡績佐甘旨後立堂姪大興爲嗣愛同己出現年七十四

閻氏鄭承祥妻年二十六夫亡二子俱幼堅貞自矢勤女紅善操作訓子以義方俾二子成立卒年六十

苗氏李滙堂妻年二十一歸李家貧夫苦讀氏典釵
釧助膏火夫賫志歿氏年二十七遺一子姑老子幼
仰事俯畜孝慈兼盡現年六十三

宋氏胡德滿妻年二十五夫亡子二俱幼家甚貧矢
志不渝勤紡績奉翁姑及姑卒事翁益謹後二子皆
成立卒年六十七

單氏張福安妻年二十八夫亡二子俱幼姑在堂氏
矢志守節事姑撫子後子以貿易起家年七十卒

周氏李成會妻年二十七夫亡二子俱幼氏糠粃自

甯河縣志

卷之十

貞節

七

甘以女工度生子長家漸裕氏仍紡績不輟焉卒年
六十七

張氏于雲行妻年二十四夫亡貧苦無依心如鐵石
族人憐其節嗣以堂姪氏撫如己出現年八十

汪氏王致和妻年二十二夫故親老子幼氏以針黹
奉親冰霜自矢年五十二卒

劉氏崔鶴齡妻年十七歸崔素明大義孝親順夫以
賢淑稱未二年夫卒無子矢志靡他現年六十一
馬氏劉開基妻年二十九夫亡三子俱幼矢志無他

勤苦操作並日而食撫養三子成立後相繼病故幸有孫奉養現年九十二

李氏舉人邵之良妻夫早卒遺一子幼氏以家貧親老孤子無依忍死以肩重任紡績度日現年五十九
張氏馬大勇妻年二十四夫亡遺一子矢志守節善事翁姑教子成立現年六十五
周氏李長順妻夫卒於宦遊子女俱幼氏年二十四冰霜自矢日勤紡績撫子女成立年六十九卒

高氏劉錫曾妻年十七歸劉夫關外貿易氏善事翁

宵河縣志

卷之十 貞節

七

姑是年聞夫病故一慟幾絕哀懇夫弟扶柩旋里營葬以姪承嗣冰蘖自甘數十年如一日現年六十五
章氏張福林妻年十七歸張數月後夫出外貿易時翁姑年邁屋僅一楹氏晝則紡績謀生夜則宿牀下八年後夫訃音來氏以親老忍死奉晨昏苦節堅貞始終無間現年七十二
章氏張榮恩妻年二十二夫亡無子善事翁姑矢志靡他立姪承祀鄉里稱苦節焉

崔氏齊福山妻夫病危囑氏曰吾親老家貧子幼弟

又各居我死汝卽嫁亦可切勿拘守節之說以小兒累爾也氏寬慰之旣而屢囑氏不應而出久不至覓之已入別室自經矣翁大痛曰此賢婦也兒何逼之甚耶夫聞之亦一痛而絕

王氏劉玉興妻年二十三夫亡無子氏誓死靡他孝奉翁姑養生送死俱無遺憾現年六十三

劉氏崔栗園妻年十八夫亡姑老家貧無子氏堅貞自矢紡績奉姑及姑歿喪葬如禮撫嗣子開文成立年七十五卒

邵氏崔大文妻年二十四夫亡遺腹生子旋殤零丁孤苦痛不欲生以姑年老故忍死侍奉族人憫其苦爲繼子女各一氏愛如己出年八十一卒

李氏崔潤德妻年二十六夫亡家貧子幼氏苦志守節勤儉自持撫孤成立現年七十三

李氏崔有德妻夫亡子幼姑老病氏以女紅奉菽水姑歿喪葬如禮撫子成立守節五十一年現年七十

五

劉氏崔敬修妻年二十四夫亡姑老子幼氏苦節自

守未幾子殤立姪爲嗣教養嗣子成立現年六十三
崔氏劉殿柱妻年二十夫歿孝奉翁姑義方訓子里
黨賢之後二十餘年子亦歿與媳高氏紡績不懈現
年六十一人稱劉門雙節云

董氏廩生馬萬選妻年二十一夫亡遺腹生子氏堅
貞自矢事親慈幼婦節無虧族黨稱善現年五十四
劉氏邵文科妻年二十二夫亡遺腹方百日氏痛不
欲生轉思嗣續甚重忍死待之後果生男年四十三
卒

甯河縣志

卷之十 貞節

美

趙氏劉太安妻年十九夫亡無子立姪爲嗣時太姑
翁姑俱存氏苦節自甘善於孝事後太姑翁姑相繼
歿喪葬盡禮人皆稱善焉現年六十四

張氏邵樹立妻年二十夫亡無子矢志靡他時姑已
歿事翁尤謹苦節自甘無閒終始立姪爲嗣卒年六
十六

陳氏梁成會妻年二十四夫亡親老子幼誓以死守
勤苦操作晝夜匪懈及葬姑如禮子亦成立現年六

吳氏廩生王寅清繼妻幼習詩書克供婦職前室子
尙幼教養有方夫苦讀積勞成疾氏焚香願以身代
及夫病危泣曰二老事畢子亦成立夫已無身後憂
於是預置兩棺夫歿遂殉年甫三十袖藏絕命詩數
首親族莫不哀之

唐氏馬躍龍妻年二十一歸馬上有孀姑曲盡婦道
夫苦讀以勞疾歿氏痛夫情切嘔血斗餘亦死焉兩
世節烈論者賢之

崔氏趙鴻禧妻年二十七夫亡遺孤甫四月家貧誓

甯河縣志

卷之十 貞節

毛

以死守事翁姑先意承志撫幼子成立現年六十

馬氏太學生高國印妻年二十七夫亡立姪殿勇爲

嗣氏性慈和從無疾言遽色貞節自矢事舅姑以孝

聞後嗣子入武庠年七十一卒

韓氏劉文通妻年二十八夫亡無子以姪承祀苦節

自矢針黹度日未幾嗣子與孫相繼卒艱苦異常而

志節愈堅後以曾孫承祧年八十二無疾而逝

翟氏馬馭亨妻年十九歸馬內助稱賢生三子敬翁

姑和妯娌家庭之閒藹如也年二十八夫亡姑老孝

養無虧教子成立現年六十三

張氏周會廷妻年二十六夫亡姑老子幼氏堅貞自
矢孝慈並稱現年六十三

張氏周太廷妻年二十一夫卒家貧針黹自給敬親
撫孤苦節自甘現年五十七

王氏宋永和妻年二十三夫亡孝事翁姑縞素終身
撫子成立卒年八十三

李氏趙泰妻年二十九夫歿事翁姑撫幼子孝慈兼
盡人言無間現年七十七

甯河縣志

卷之十 貞節

七

劉氏史學倉妻年二十六夫卒矢志靡他孝親教子
各盡其道現年七十三

劉氏韓三義妻年十八夫卒因翁姑無人奉養夫弟
二人尙幼遂矢志以養親恤孤爲己任未幾姑亦卒
氏勤苦操作四十餘年不少懈里黨賢之

張氏常春臺妻年二十二夫歿無子事翁姑克供婦
職立姪明倫爲嗣教養有方性甘淡薄苦節三十餘
年嗣子已入庠生現年五十五

劉氏增生學會季女也適齊家沽么姓年二十八卒

無子么固單丁死後室無他人亦無產業氏隻身居
斗屋中藉縫紉以易食或勸之再醮氏不聽道光已
亥年卒

劉氏許字廉兆泰未婚而夫死女聞訃欲往夫家盡
節母與兄阻之遂刎頸死有傳列藝文

張氏李云妻年二十二夫亡勤紡績事操作苦節自
甘現年六十餘人皆敬而憐之

張氏張慕之女幼字馬維駟長子及長馬家落子亦
不才時有求於慕慕鄙人也因婿家敗每形於色而

甯河縣志

卷之十 貞節

堯

女自不以貧介意咸豐乙卯女年十八馬無力歸娶
議退婚慕欣然樂從女泣告父母曰婿家之議迫於
一時之貧耳若許其斷婚將置兒於何地惟有一死
而已慕不聽隨將聘禮還馬女遂於是夜自縊死鄰
里皆痛惜之

梁氏廉永凝妻年二十九夫亡矢志靡他守節三十
年五十九卒

常氏廉永輅妻年二十一夫亡矢志苦守始終不渝
年七十九卒

孫氏廉永興妻年二十九夫亡苦守四十年卒

張氏廉湧妻年二十九夫亡苦守五十二年八十一歲卒

王氏廉曇妻年二十八夫亡苦守三十五年六十三歲卒

廉氏歲貢生永祐之女年十七適劉某一月後夫往關外久不回孤身無依遂居父家父歿後弟姪輩供養後廉家亦貧氏備歷飢寒之苦守節六十九年卒
侯氏劉三羣妻年二十九夫亡子女各二家貧氏備

工撫養之後二子皆成立氏老患痰症子媳服侍床側夾卧母旁使母不寒現年七十餘有此孝子孝婦天不負其苦節矣

張氏廉承祐妻年二十六夫亡子幼氏孝事姑姑歿竭力營葬教子成立苦守三十五年現年六十一

李氏劉方宗妻年二十六夫卒翁姑俱存氏奉養維謹守節四十九年七十四卒

徐氏典史廉大森妻夫卒於官氏奉姑回籍姑病厭食味或云人肉可以療疾病氏卽焚香禱天割肘肉

烹而獻之姑食之病瘳

張氏于葆瑞妻年二十一夫故誓以身殉因有遺腹
翁姑泣勸曰殉節固義倘得遺孤綿一綫不更愈乎
氏乃節哀順親未幾果生一子名列膠庠族黨皆稱
其賢現年五十一

張氏魏廷猷妻年十九夫亡矢志守節年五十七卒
紀氏魏士慶妻年二十四夫亡守節年七十八卒
周氏邵文祥妻年二十二夫故遺腹生一子孝事翁
姑撫養孤子未幾子亦卒氏苦節自勵艱險備嘗年

八十三卒

張氏趙永亮妻年二十八夫故遺腹生一子氏堅貞
自矢勤苦持家撫子成立年六十七卒

劉氏趙人富妻年二十夫故遺腹生一子矢志守節
孝事翁姑撫孤成立年五十五卒

孫氏李祥福妻年三十夫故三子俱幼氏堅志守節
撫養三子俱成立現年六十

王氏李英福妻年三十夫故無子以姪承嗣矢志守
節現年六十二

楊氏李介福妻年三十夫故矢志守節時祖姑馬氏孀居姑馮氏亦孀居子女俱幼氏上奉高堂下撫孤子孝慈兼盡備嘗艱苦現年五十五一門三世苦節鄉里咸重之

董氏王元德妻年二十八夫亡三子俱幼氏苦節自甘事姑撫子各盡其道家貧以紡績自給守節已五十餘年矣

張氏王元禮妻年二十七夫亡無子姑老家貧藉縫紉爲奉養資撫姪爲嗣未幾姪亦亡零丁孤苦守志

齊河縣志

卷之十 貞節

全

彌堅鄉里憐之現年五十餘

馮氏傅振魁妻年二十七夫故子幼矢志守節翁歿孝事孀姑子廷琛入邑庠現年五十二

孫氏張魯瞻妻年三十夫歿氏矢志守節上有孀姑下僅一女氏事姑能孝以女紅供甘旨立姪爲嗣未幾姪亦卒寡媳于氏年二十三家庭和睦一門三節里黨賢之

李氏孟天隆妻年二十九夫卒家貧子幼母家勸其改適氏怒與母家絕日攜子乞食茹苦十餘年撫子

成立年六十四卒

王氏張桐妻年十九夫卒無子以姪爲嗣娶劉氏爲
媳生一孫子又亡艱苦萬狀媳劉氏撫子事姑體恤
周至一門雙節人皆賢之王氏現年七十七

陳氏董安瀾妻年十九夫死無子形影相弔翁朝搢
官江南姑歿於家氏喪葬如禮守節五十餘年七十
歲卒

廉氏董桂芳妻夫卒無子氏年二十八焚香茹素三
十餘載雖鄰嫗罕見其面年五十八卒

楊氏董浚妻嫁甫年餘夫卒家貧氏矢志靡他鄉里
重之年七十卒

孫氏董朝蘭妻夫卒家貧有遺腹生一子氏勤針黹
奉親教子粗糲自甘守節三十餘年卒

郭氏孟士科妻夫歿氏年二十二遺腹生一子矢志
守節善事翁姑嚴以教子家雖裕紡績不輟卒年六
十四

平氏董文芝妻年十五歸董家極貧未幾夫卒氏欲
以身殉因親老且病忍死以針黹紡績奉翁姑年近

七十猶康強勤儉其節孝之尤苦者歟

劉氏國學生馬彩生妻年二十六夫死矢志守節撫子成立年七十六卒

劉氏馬鐸妻年二十五夫死子幼矢志守節現年六十七

王氏武庠生繼孟女也甫十餘歲父病貧無醫藥女潛割臂肉烹而進之旋愈三日後病復作尋卒

李氏杜奠川妻年二十八夫歿親老家貧氏典質衣飾奉甘旨後翁姑相繼歿因哀毀過度得嗽疾苦守

二十九年卒

李氏孫樂廷妻年十八歸孫時夫已病氏侍湯藥維謹晝夜祈禱願以身代後十年夫歿氏苦守四十年六十八歲卒

王氏侯永常妻嫁時年十九夫已抱病侍湯藥未一年夫故痛不欲生因孀姑在堂矢志苦守姑老家貧以針黹供甘旨親族賢之現年五十七

谷氏趙明妻年二十夫歿子幼家貧饑寒交迫姑令其改適氏矢志愈堅撫子成立現年六十一

董氏廉理妻年二十六夫亡苦志守節事翁姑以孝
撫子成立現年五十五

董氏張廣嗣妻嫁甫一年夫亡無子氏痛不欲生因
姑老忍死侍奉撫嗣果爲嗣入邑庠氏年七十六卒

李氏武庠胡泮鵬妻年二十八夫亡子幼家貧矢志
苦守養老撫孤親誼以匾額榮之現年八十

齊氏陳永康妻年二十夫亡無子性嚴重寡言笑善
事翁姑撫兄子肇基爲嗣愛如己出年六十六卒

魏氏馮文科妻年二十七夫亡翁繼歿子幼家貧氏

甯河縣志

卷之十 貞節

全

守節以針耨糊口始終不二撫子成立現年七十四
劉氏岳成玉妻年三十夫亡子幼撫孤守節現年七
十

李氏縫工張福良妻夫卒氏欲以身殉夫姊察其意
防守甚嚴葬夫月餘仰藥死年二十七

錢氏董兆恩妻年二十六夫亡無子苦守年七十四
卒

劉氏杜世輔妻年二十七夫歿家貧無子氏苦守立
姪均爲嗣未幾均又卒媳李氏年二十七一門雙節

媳先歿氏零丁孤苦年七十五卒

劉氏岳智臨妻年二十九夫亡矢志守節撫孤成立
現年七十五

楊氏岳龍光妻年二十八夫亡矢志守節撫孤成立
現年七十

張氏岳文桂妻年三十夫亡矢志苦守撫孤成立現
年六十三

劉氏岳文信妻年二十四夫亡矢志不二現年七十
二

李氏岳允智妻年三十夫亡矢志苦守撫孤成立現
年七十

胡氏王彤雲妻年二十四夫亡無子矢志守節現年
六十五

杜氏王瑞寰妻年三十夫亡苦志守節現年七十二
佟氏薄立珍繼妻年三十夫亡苦志守節現年六十
五

孫氏王愷妻年三十夫亡守節不二現年六十四
胡氏楊澄妻年二十五夫亡苦志守節現年七十一

馬氏劉汝蘭妻年二十八夫歿子幼家貧藉紡織以奉翁姑教子成立後子存授室未幾卒媳常氏亦矢志靡他兩世苦節人皆重之

張氏陳大奎妻年三十九夫歿親老子幼氏堅貞自矢以婦道兼子職撫子成立夫弟大本早逝弟婦張氏亦寡翁姑得兩孀以侍晨昏幾忘膝下無兒也論者謂一門雙節洵足風焉俱守節三十餘年

季氏李峻山妻年二十夫亡家貧無子惟姪是依姪亦貧氏紡績度日或勸其改適氏不答惟撫姪涕泣

而已鐵性冰心里黨重之

馮氏王福齡妻年二十三夫亡家貧無子氏守節撫姪爲嗣以紡績度日現年六十

楊氏韓有培妻年二十五夫卒一女幼氏守節事孀姑得其歡心立姪爲嗣愛如己出年五十八卒

蘇氏韓有亭妻年二十九夫卒守節時姑妯俱孀氏事姑肯甘無缺與妯并日分勞年六十六卒

韓氏王泰妻年二十九夫卒遺一女幼翁姑老家極貧氏以紡績供甘旨後翁姑相繼歿氏柏舟之志益

堅現年七十六

張氏李守義妻事翁姑以孝家極貧翁歿氏竭力營葬未幾姑歿葬亦如禮喪甫畢夫又亡氏絕不哭泣聚親族言曰兩月閒一門盡喪若有嗣可承雖敝衣枵腹亦當苦守今已矣無如何矣所有薄糲草舍所售爲葬資言訖以剪刺喉死親族莫不哀之

郭氏李有良妻年二十三夫亡守節現年五十八

張氏劉福隆妻年十九夫亡守節現年七十九

許氏劉大有妻年二十五夫亡守節現年六十六

甯河縣志

卷之十貞節

六

宋氏張義妻年十八夫亡守節現年八十五

任氏劉福起妻年二十七夫故氏守節年七十五卒

劉氏庠生廉以襄妻年二十七夫歿氏守節五十一

年光緒二年卒

曹氏常治平妻年二十七夫歿子女幼氏縫紉自給

矢志靡他里黨敬之現年六十一

李氏于國珍妻年十八夫亡矢志守節孝事翁姑撫

姪忠爲嗣苦守四十九年卒

杜氏張裕成妻年二十夫卒氏悲哀泣血欲以身殉

翁姑慰止之氏乃勉治喪事以堂姪爲嗣教養成立
守節五十年卒

馮氏楊和妻年二十五夫卒子幼家貧誓以死守日
勤女紅撫子成立後家亦小康守節四十年卒

宋氏朱明義妻年十八夫故子幼家貧氏苦守自甘
撫子成立年八十九卒

谷氏趙承德妻性和順工針黹家貧以女紅助夫奉
親夫歿子幼氏矢志守節撫子成立現年七十

李氏廉德信妻年二十七夫亡矢志不渝守節三十

三年六十歲卒

張氏廉德煥妻年二十八夫故矢志守節年六十二
卒

梁氏廉德遙妻年二十三夫亡苦志守節年六十五
卒

馬氏楊安國妻年二十于歸有日安國因事赴戚任
所未回夫家恐悞吉期遂娶氏過門長嫂代成禮越
三日安國輓至則死於半途矣氏痛不欲生翁姑再
三慰解之氏乃忍死孝事翁姑苦節自貞年六十卒

閻氏楊以政妻年二十夫歿無子孝事翁姑誓以死守現年五十四

李氏楊宗國妻年二十四夫死守節以姪其志爲嗣早晚課讀後其志嘉慶丙子舉於鄉氏曰吾可對亡人於地下矣年六十一卒

董氏庠生楊永發妻年二十八夫歿家貧無子誓以死守或勸其售書籍氏曰此亡人手澤吾不忍也日以針線營生現年七十四

丁氏馮嵩慶妻年二十六夫亡無子矢志守節孝事

翁姑僅以紡績度日現年五十六

爾氏楊錫發妻年二十五夫死苦志守節撫子成立現年七十七

王氏劉福萬妻年二十八夫故一子幼室無懸罄氏針黹紡績撫孤守節子長爲之婚娶年八旬子又亡婦能先意承志以終苦節里黨賢之

岳氏馬文元妻年十九夫亡守節六十一年八十歲

卒

陳氏附生李維貞妻年二十三夫亡守節撫孤承孀

自勵現年五十四

王氏韓成德妻年二十三夫故家貧無子翁姑老氏紡績以供甘旨後翁姑相繼歿氏竭力治喪哀敬兼至現年五十五

李氏張爾鏞妻年二十八夫故家貧無子翁姑老夫弟尙幼氏悲哀泣血誓以死守現年五十五

劉氏廉謹妻年二十夫故無子家貧或勸其改適氏矢志死守始終不渝撫姪爲嗣藉女工度日現年七十

甯河縣志

卷之十 貞節

空

常氏廉洵妻年二十二夫故無子翁姑相繼歿氏喪葬如禮縫紉度日現年五十五

王氏剛節公次女道光十九年隨父任母病篤女侍湯藥寢食不遑聞割肉可以療病乃割左臂和藥以進母病愈二十一年父在定海禦夷捐軀女驚聞悲痛死而復蘇繼以痼疾卒先字山西孝廉張清甸因病屢緩吉期服時年二十五張迎柩歸葬於晉

劉氏鄭經魁妻克嫻婦道以孝稱夫病侍湯藥晝夜無間每焚香籲天請以身代及夫故氏年二十葬夫

畢卽仰藥自盡

崔氏苗邦輔妻年十九歸邦輔事翁姑孝二十五歲夫亡一子幼雙親在堂氏日事針黹佐甘旨未幾子夭翁姑相繼歿氏益孤苦後撫姪爲嗣現年五十五楊氏生員張燕喜妻年十九夫卒貧而無子撫姪雙爲嗣二老在堂氏勤針黹奉養罔缺年六十六卒張氏李虎妻年二十四夫卒家貧子幼翁姑老氏事親孝撫子慈茹苦含辛誓以死守後翁姑相繼歿氏喪葬如禮鄉鄰重之現年五十七

甯河縣志

卷之十 貞節

七

史氏邯鄲司訓鄭閱側室夫卒於任所氏年二十七哀痛絕飲食十日殉節邯邑紳士爲之立傳載入邯邑志

李氏巡檢崔紹祖繼妻年二十九夫歿撫前室子女如已出時姑老子女幼氏養親撫孤姑歿喪葬盡禮教子啓瑞苦讀入泮現年五十三

陳氏史繼遷妻年二十九夫亡家貧姑老子女俱幼氏勤紡績督耕耘孝養無缺教三子皆成立家亦漸裕而氏猶勤苦不懈現年五十五

吳氏史恪妻年二十二夫亡無子茹苦守節六十餘年八十五歲卒

尹氏史樹芳妻年二十三夫亡無子氏茹苦含辛誓以死守孝事翁姑撫姪佩林爲嗣現年六十四

韓氏劉福壽妻年十九夫亡遺腹生一子翁姑在堂氏矢志守節奉親撫子孝慈兼盡子長完娶後亦卒
婆媳孀居堅貞並矢志里黨重之氏現年八十五

王氏李中尙妻年二十八夫亡家貧子幼氏誓以死守針耜度日年七十六卒

靳氏邵立信妻年二十九夫故家貧翁姑繼歿子女並殤氏伶仃孤苦勵節彌堅現年六十二

閻氏鄭承祥妻年二十九夫故家貧遺二子氏矢志撫孤藉十指爲生二子授室後無何長子長婦相繼歿孤孫零丁益形艱苦氏拮据一生心力交瘁年六十六卒

王氏張毓勳妻年二十八夫故家貧姑老氏苦節自守日勤紡績謀甘旨以奉姑居恒未嘗輕出戶庭現年七十一

韓氏王得運妻年二十六夫亡姑老子幼氏事姑孝
撫子慈家貧以女紅度日冰霜自矢守節二十五年
現年五十一

劉氏王鴻達妻年二十五夫亡遺腹生一子家貧以
針耑度日零丁孤苦矢志彌堅守節二十七年現年
五十二

王氏劉占廣妻年二十七夫歿子幼翁姑在堂氏事
親以孝撫子以慈家貧備嘗辛苦守節二十七年現
年五十四

談氏童國裕妻年二十八夫歿無子姑老氏苦節自
守以女工養姑立姪海爲嗣現年五十六

常氏馬武德妻年二十三夫故翁姑在堂家貧女幼
氏矢志守節竭力事親翁姑歿後家愈貧寄居母家
以針耑度日現年五十二

王氏崔豐年妻年二十七夫亡家貧子幼氏堅貞自
矢以紡績度日撫子成立年四十七卒

胡氏張永慶妻年二十四夫亡無子家貧姑老氏奉
侍不懈能以婦道兼子職現年五十五

崔氏張瀚妻年二十七夫亡家貧子幼翁姑在堂氏勤紡績以爲事畜資翁姑歿氏就養母家子亦成立家稱小康以爲苦節之報現年六十三

邵氏馮長瑞妻年二十二夫亡遺孤甫週歲又殤苦節自矢翁失明氏侍奉尤謹曲盡婦道里黨敬之現年四十四

劉氏李中平妻年三十夫亡家貧無子矢志靡他撫嗣子慶祥成立年七十三卒

劉氏李樹達妻年二十四夫亡守節奉親孝撫子慈

子成立家亦漸興皆氏力也現年五十

李氏劉仲科妻年二十七夫歿無子撫姪文魁爲嗣未幾姪又殤氏含辛茹苦形影相弔年八十一卒

李氏邵全有妻年二十七夫亡子幼家貧以針黹度日撫子成立現年八十

曹氏常蕪妻年二十八夫故子女俱幼翁姑老家貧以針黹爲事畜資諸姑賴其陶成夫弟亦賴以成立現年六十四

董氏蔣城妻年二十二夫歿家貧苦守撫嗣子成立

年六十九卒

李氏崔敏政妻年二十七夫死家境蕭條氏矢志守節孝事孀姑慈撫弱子現年四十九

邵氏張曰豫妻年二十八夫亡子幼親老家貧氏柳事俯畜皆取給十指冰霜永矢苦節自甘現年六十

一

王氏沈驥元妻年十九夫卒遺腹生一子翁姑在堂氏養老慈幼各盡其禮現年四十三

王氏吳元極妻年二十夫亡家貧子幼氏矢志守節

甯河縣志

卷之十 貞節

癸

茹苦含辛子成立家亦小康年五十三

李氏王立宜妻年二十四夫故子幼氏矢志守節勤

紡績縫紉以度日苦節愈堅年九十六卒

韓氏馬立志妻年二十六夫亡無子家貧以女工度日撫姪孫以延夫嗣現年五十六

崔氏劉涵妻涵病氏侍湯藥寢食俱廢未幾夫歿家貧無子後一日卽仰藥以殉時年三十

李氏趙淮齡妻年二十六夫歿子女俱幼家極貧守節撫孤艱苦萬狀親族有周恤者堅辭不受或以善

言教其子必歛衽謝之現年五十八

陳氏鄭鴻書妻年十九夫亡無子氏守節奉親勤勞

家政矢志靡他現年四十九

陳氏劉國福妻年二十三夫亡無子家貧氏守節以織席度日翁因貧令其他適氏不聽惟日誦觀音經數遍年八十五猶康健鄉里稱賢淑焉

徐氏王剛節公側室從剛節厯官閩皖及公殉定海之難氏年二十餘留守壽春鎮署聞變一慟幾絕料理喪務扶柩歸里矢志不渝始終無間年六十七卒

覃恩貤封恭人

張氏王蓋妻年三十夫卒子幼氏苦志不渝售居宅以爲喪葬日藉針黹謀生撫孤成立年五十三卒

康氏車珊妻年二十一適車時夫已病危甫七月夫歿氏哀毀骨立矢志靡他年二十六時有欲奪其志者氏聞之憤激不食卒

杜氏王樹屏妻年二十七夫歿遺腹生一子夫先出嗣長門兩堂翁姑俱存氏曲意承歡日以針黹佐甘旨撫孤成立年七十餘卒

藺氏張棋妻年二十四夫死於外子女俱幼氏聞訃一慟幾絕撫孤守節自甘藜藿未幾子亦殤或勸其改適氏正言絕之苦守二十五年卒

史氏劉大文妻年二十三夫亡子幼姑老家貧日以針黹謀生孝慈兼至或有欲奪其志者氏必正言力絕現年五十九

董氏張德言妻孝廉董調元次女素知大義年二十三夫卒氏矢志殉節未幾自縊死夫姪元發咸豐九年病故媳李氏年三十痛不欲生葬畢亦投繯死一

門二烈人皆重之

劉氏許保樸妻年二十五夫故家貧無子矢志靡他
以針黹度日撫嗣子教養成立現年五十三

米氏于逵妻年二十八夫亡子幼家貧氏苦節自甘
備嘗險阻撫孤成立現年五十六

金氏高翎妻年二十七夫亡無子矢志守節現年五
十八

鄭氏高明全妻年十五歸高未幾夫卒矢志不渝苦
節二十年偶有勸其改適者氏忿怒成疾抑鬱而死

陳氏李士文妻年二十八夫死氏苦節自甘遺腹生一子奉親訓子孝慈兼至年八十三卒

馬氏趙成泰妻年二十八夫亡家貧無子氏矢志守節事親以孝茹苦含辛始終無間現年六十五

張氏井翰妻年二十八夫卒家貧氏矢志守節現年六十

井氏史國杰妻年三十夫亡氏矢志守節現年六十八

張氏井兆椿妻年二十五夫亡矢志守節年六十九

卒

崔氏李進義妻年二十四夫亡矢志守節撫子成立現年八十六

魯氏李方妻年三十夫亡矢志守節現年六十七

閻氏劉世有妻年二十五夫亡矢志守節年七十八卒

劉氏張祝三妻年二十三夫亡矢志守節年五十三卒

徐氏張泰妻年三十夫亡無子家貧誓以死守現年

七十五

滕氏郝恩毓妻年二十九夫亡矢志守節現年五十

八

齊氏張紹曾妻年十九夫亡矢志守節年五十九卒

張氏王有平妻年二十八夫亡守節五十一年七十

九歲卒

周氏翟玉山妻年二十九夫亡矢志守節現年六十

一

齊氏張慎行妻年二十七夫亡矢志守節現年五十

八

張氏史有魁妻年二十夫亡守節四十八年六十八

歲卒

滕氏田桂芬妻年二十二夫亡安貧守節年八十二

卒

孟氏王德成妻年二十九夫亡家貧親老以縫紉供

甘旨苦守三十二年現年六十一

喬氏陳鴻恩妻年二十七夫亡無子姑老家貧氏苦

節孝親撫嗣子如己出年六十五卒

王氏蘇鴻瑞妻年十九夫亡無子零丁孤苦矢志靡他現年四十九

劉氏孟有年妻年十八夫亡無子家貧氏以針黹自度矢志不貳或有勸其改適者氏必力拒之年六十七卒

王氏滕有祿妻年二十六夫亡子亦殤家貧姑老氏矢志靡他事姑以孝聞及姑歿貧不廢禮里人皆賢之現年六十四

常氏劉鎮妻年二十六夫亡矢志靡他苦守五十二年七十八歲卒

甯河縣志

卷之十 貞節

百

劉氏張克仁妻年二十二夫亡遺腹生一子家貧矢志不貳事翁姑以孝教子成立卒年五十四

吳氏陳瀛妻年二十八夫亡子幼矢志守節孝事翁姑卒年五十九

張氏翟立勤妻年二十九夫亡子幼氏矢志守節孝事繼姑慈撫孤子卒年五十五

張氏翟立昇妻年二十八夫亡子幼姑老家貧氏含辛茹苦守節三十七年六十五歲卒

董氏沙毓楨妻年二十六夫亡無子矢志守節孝事
翁姑年五十八卒

馬氏勝有德妻年二十八夫亡子幼氏矢志守節撫
子成立卒年六十

馮氏楊其樸妻年二十九夫亡家貧子幼氏矢志不
貳養親畜子皆取給於十指含辛茹苦年六十七卒
劉氏王式楨妻年十九夫卒矢志守節現年五十五
董氏王式柱妻年二十一夫亡矢志守節現年五十

二

齊氏李仁和妻年二十五夫歿子幼氏矢志不渝孝
親教子以婦道兼子職年九十四卒

錢氏李大順妻年二十七夫亡子幼家貧氏矢志靡
他日用皆取給於十指教子成立年六十七卒

滕氏子應典妻年二十七夫卒無子家貧翁姑老氏
誓以死守恃紡績以養親年六十卒

于氏滕龍甲妻年二十五夫卒子幼氏矢志不貳事
姑孝教子嚴苦守三十五年六十歲卒

趙氏楊文瑞妻年二十五夫亡子幼家貧氏矢志守

節教子成立年七十三卒

錢氏張文炳妻年二十五夫亡無子氏矢志不貳事翁姑以孝撫嗣子成立年八十卒

于氏孟維允妻年二十二夫亡誓以死守事親能孝教子有方年六十二卒

郝氏孟維倫妻年二十二夫亡子幼矢志守節事翁姑以孝現年七十九

馬氏滕有法妻年二十八夫亡子幼家貧姑老氏勤針耨爲事畜資苦守三十二年卒年六十

滕氏郝福林妻年二十九夫歿矢志守節事翁姑以孝教三子皆成立年七十九卒

侯氏楊文閣妻年二十六夫死孤幼氏誓以死守事姑以孝訓子有方年七十一卒

趙氏高桂元妻年十九夫亡無子矢志不渝艱苦備嘗年六十六卒

苗氏劉和妻年二十八夫卒子幼家徒四壁氏竭力養親自甘藜藿苦節愈堅現年八十四

闕氏高起妻年二十六夫溺死氏痛不欲生未幾竟

投水以殉

陳氏楊興戴妻年二十二夫亡子幼家貧氏矢志守節飢寒不易其心平居言笑不苟年七十五卒

吳氏楊立賓妻年二十四夫卒家貧氏孝事翁姑教子文煥成立年七十六卒

陳氏楊立恒妻年二十三夫歿矢志守節孝事翁姑教子文秀成立年七十三卒

滕氏田芬妻年二十二夫歿子亦殤家徒四壁氏矢志守節孝事翁姑現年八十四

甯河縣志

卷之十 貞節

高

紀氏鍾廣乾妻年二十五夫亡子幼氏飢寒備歷苦節彌堅現年七十九

邵氏張連發妻年二十三夫卒家貧無子氏矢志靡他孝事翁姑人咸重之現年六十六

邊氏宋維慶妻年二十七夫歿矢志守節教子成立現年六十四

劉氏高發妻年二十七夫歿矢志守節教二子成立年七十四卒

郭氏任嘉謨妻年二十六夫亡無子矢志守節現年

七十二

李氏任嘉誥妻年二十九夫亡矢志守節現年七十二

張氏任嘉聲妻年二十五夫亡無子矢志守節年五十六卒

陳氏李有弼妻年十九夫亡無子家貧氏矢志不貳年八十八卒

宋氏劉朝興妻年二十九夫歿子幼家貧氏矢志守節年八十一卒

甯河縣志

卷之十

貞節

五

張氏滕爲來妻年二十九夫歿家貧子幼氏矢志守節年六十六卒

吳氏劉文焯妻年二十八夫歿矢志守節年六十五卒

趙氏劉祿堯妻年二十六夫歿矢志守節年五十七卒

李氏劉巽堯妻年二十六夫歿矢志守節年六十三卒

郭氏寇平妻年二十五夫亡矢志守節年七十卒

郭氏李萬祐妻年二十六夫歿矢志守節年七十卒
王氏史國璽妻年二十三夫歿矢志守節現年六十
三

張氏于維漢繼妻年二十四夫歿前室子德秀早殤
家赤貧氏誓以死守年七十四卒

周氏張穎濱妻年二十三夫亡矢志守節年七十一
卒

柳氏劉靈妻年二十九夫亡子幼矢志守節現年七
十七

甯河縣志

卷之十 貞節

真

柳氏李綰妻年二十五夫亡矢志守節孝事翁姑教
子育春入泮年六十三卒

薛氏張夢來妻年二十七夫亡無子矢志守節年四
十六卒

趙氏孔懷璞妻年二十七夫亡無子矢志守節年六
十三卒

董氏孔懷璟妻年二十五夫亡無子矢志守節年七
十二卒

鄭氏孔懷芳妻年二十八夫亡矢志守節撫子成立

年六十卒

章氏張穎清妻年二十五夫亡矢志守節現年八十
張氏劉成發妻年二十五夫亡守節孝事翁姑撫孤
成立年七十卒

楊氏劉國興妻年二十八夫亡無子矢志守節事翁
姑孝以女紅供甘旨年七十卒

劉氏吳國魁妻年二十八夫亡矢志守節家貧以紡
績度日撫子成立年六十九卒

宋氏齊人傑妻年十九夫亡矢志守節姑老子幼以

針耨爲事畜資年七十卒

張氏楊國太妻年二十四夫亡守節孝姑撫子皆取
給於十指年六十八卒

張氏楊彬妻年二十六夫亡矢志靡他事姑以孝撫
子以慈年七十八卒

陳氏張耀妻年二十夫亡無子矢志守節孝事孀姑
年七十卒

劉氏史學賢妻年二十六夫亡矢志守節現年七十
九

王氏趙太妻年二十三夫亡矢志守節艱苦備歷年八十三卒

李氏張廷芬妻年二十四夫亡家貧無子矢志守節年五十六卒

李氏楊印田妻年二十六夫亡奉親撫子守節十二年卒

王氏吳元桂妻年十九夫亡家貧守節以針黹謀生撫幼子永全成立現年四十九

萬氏韓其山妻年二十夫故苦節冰操始終不二現

胥河縣志

卷之十 貞節

頁

年六十四

張氏周廷相妻年二十九夫亡矢志守節苦勵冰霜現年八十二

陳氏張敬城妻年二十八夫亡氏苦節自甘孝姑撫子現年五十六

董氏李樹本妻年二十六夫亡矢志守節年六十二卒

李氏劉選堯妻年二十七夫故矢志守節年五十八卒

趙氏李緝妻年二十八夫亡無子苦志守節撫姪爲嗣現年七十二

曹氏劉仰堯妻年三十夫亡矢志不二年六十二卒
李氏張富妻年二十八夫亡矢志苦守撫孤成立年七十二卒

李氏石福瑞妻年二十三夫故矢志苦守年七十卒
高氏岳福泰妻年二十八夫故矢志不二年七十一卒

郭氏李德山妻年二十八夫歿無子氏事姑以孝後

姑歿竭力喪葬如禮現年五十八

張氏李樹明妻年二十六夫故矢志守節撫子成立年七十三卒

魏氏李萬發妻年二十九夫故翁姑在堂氏事親以孝撫子成立現年八十四

王氏李均平妻年二十八夫亡子幼家貧以針耨度日撫子成立年七十四卒

胡氏鄭廣田妻年二十三夫亡守節遺腹生一子名懷盛甫週歲家貧氏以針耨度日撫養幼子成立現

年五十四

汪氏王立志妻年二十六夫故遺孤甫週歲堅貞守節奉事翁姑教誨幼子各盡其道現年五十六

常氏于訓妻年二十八夫亡家貧無子矢志守節撫姪兆瑞承嗣現年八十六同治五年

旌表

吳氏呂永裕妻年二十四夫亡子幼矢志守節孝事翁姑教子成立嘉慶十三年縣尊成集李公詳請匾額氏年七十五終

甯河縣志

卷之十

貞節

十一

李氏王金富妻年二十八夫歿上有太孀姑年八旬暨孀姑均賴氏針黹供養太姑及姑先後身故氏殯葬盡禮撫弱子幼女爲之婚嫁不數年子又亡寡媳沙氏亦矢志守節家極貧苦始終不二李氏現年六十一

韓氏于治世側室氏年二十八治世病歿氏苦節自甘矢志不二現年七十一

呂氏舉人張汝棣妻年二十七夫亡翁姑老子幼矢志守節孝事翁姑撫子成立現年四十七

郭氏劉億來妻年十九夫故矢志苦守冰蘖自甘現年四十九

孟氏李衡同妻年十九夫歿誓死守節現年四十八
劉氏廉駟元妻年二十五夫亡家貧無子矢志守節
撫姪爲嗣現年六十詳請

旌表

王氏朱邦玉妻年十七夫亡矢志守節現年五十四

詳請

旌表

甯河縣志

卷之十 貞節

五

陳氏文童張文敏妻事翁姑能博歡心二十一歲夫
故矢志守節撫嗣子如己出同治九年氏年五十三
題請

旌表

張氏朱俊雄妻事翁姑以孝聞夫歿氏年三十辛苦
度日仰事俯蓄倍極勤勞教子成立年七十七卒

附烈女

苗氏蘭從舉同居女再娶張氏前夫所生也同莊蘭卓窺氏父母外出調之峻拒不從卓強欲奸之氏號泣卓懼而逸氏忿極夜投繯以死驗訊得實置卓於法乾隆九年

旌其門

劉氏北澗沽民李永兆之妻年十八歸於李克盡婦道門以內穆如也己亥夏天霖雨人多疫翁姑相繼病永兆亦僵卧家素貧艱於藥餌氏昕夕竭蹶奉事

齊河縣志

卷之十

貞節

五

維謹翁病中忽思肉味家既不給氏無所爲計乃以口嚙其肱而刲之遂調飪以進翁問所自曰偶得雀肉耳未幾翁姑病皆瘳兆亦愈人以爲少婦孝思之所感云

韓氏温自福妻乾隆二十二年自福病垂危氏割左臂肉和湯進之病立愈至今夫婦康強唱隨無失論曰詩錄柏舟重節操也其之死靡他之志洵足風矣及讀陶嬰黃鵠歌托飛鳥以明心想故雄而悲咽情事雖殊而節操實出一轍以是歎人無貴賤秉性

堅貞皆足以激清風而維世教所關詎不大歟今觀
節操諸人其間貴賤相懸情事各異而堅貞之性悉
可以爲世法謹取鄙風及烈女傳之義而備誌焉誠
重之也若夫慘罹強暴潔已捐軀與糜其股肱以療
翁若夫之病者其激烈之性篤孝之思尤有可紀茲
以人數過少並附以傳從其類也嗚呼是均足以風
矣

附錄咸豐十年英夷犯順殉難男女

北塘劉氏于生金妻張氏趙玉妻王氏田永昆妻張氏李
九百妻高氏劉崇禮妻汪盛二女張氏錢堯萬妻張氏李
朝安妻長女次女媳孔氏陳氏候選巡檢沙玉樸妻王氏
李蘭玉妻陳氏史兆恩妻宋氏史承恩妻楊氏王福來妻
王氏李玉圃妻張氏從九品甯全妻崔氏李會妻陳氏趙
美妻宋氏李廷周妻李氏崔文才妻張氏李文會妻張氏
魯泉妻蕭氏劉和妻本城內張氏廉承緒妻張氏武庠張
遵仲女劉珍張文忠楊文會孟義蘇振遠郝玉文宋和順
張國泰薛德福侯富春李朝臣曹良順李謙曹良登張崑
李相甯升高均李國富錢友化王富有李泰李鰲史國楹
王友德曹良德史兆恩王安田尙德李德元孔懷來李雲
錢喜高均發李長順張老李老五